

四庫全書

史部

欽定四庫全書

史部

陝西通志卷八十八

詳校官監察御史_臣劉湄

檢討_臣德生覆勘

總校官降調編修_臣倉聖脉

校對官中書_臣王家賓

謄錄監生_臣朱學漁

欽定四庫全書

陝西通志卷八十八

藝文四

賦上

賦

上林賦

按舊志兼載子虛賦其中多託齊楚為辭茲惟專錄上林取其切於秦地也

漢司馬相如

亡是公听然而笑曰楚則失矣而齊亦未為得也夫使諸侯納貢者非為財幣所以述職也封疆畫界者非為

守禦所以禁淫也今齊列為東藩而外私肅慎捐國踰限越海而田其於義固未可也且二君之論不務明君臣之義正諸侯之禮徒事爭游獵之樂苑囿之大欲以奢侈相勝荒淫相越此不可以揚名發譽而適足以貶君自損也且夫齊楚之事又焉足道耶君未覩夫巨麗也獨不聞天子之上林乎左蒼梧右西極丹水更其南紫淵徑其北終始灞漦出入涇渭鄠鄠潦滴紆餘委蛇經營乎其內蕩蕩乎八川分流相背而異態東西南北

馳驚往來出乎椒丘之闕行乎洲淤之浦徑乎桂林之
中過乎泱泱之野汨乎混流順阿而下赴隘阨之口觸
穹石激堆埼沸乎暴怒洶涌滂潰潏渟淫汨滂測泌潏
橫流逆折轉騰漱洌澎湃沆瀣穹隆雲撓蛇蟺膠盭踰
波趨浥涖涖下瀨批巖衝壅奔揚滯沛臨坻注壑澹澹
霄墜湛湛隱隱砰磅訇礚潏潏淈淈潏潏鼎沸馳波跳
沫汨濇漂疾悠遠長懷寂寥無聲肆乎永歸然後灝灝
潢漾安翔徐徊翺乎瀉瀉東注太湖衍溢陂池於是乎

蛟龍赤螭鮪鱗鱗

文選作漸

離鰓鰭鮫魴禺禺鱣魴捷鱗捭

尾振鱗奮翼潛處于深巖魚鼈謹聲萬物衆夥明月珠

子均璫江靡蜀石黃硬水玉磊砢磷磷爛爛采色皓盱

蓂積乎其中鴻鵠鵠鵠駕鵠鵠鵠鵠駸駸駸目煩驚鵬渠

鵠鵠

漢書作鵠

鵠鵠羣浮乎其上汎淫泛濫隨風澹淡與

波搖蕩掩薄草渚噉喋菁藻咀嚼凌藕於是乎崇山巖

崔崔巍差我深林巨木蘄巖參差九峻截薛南山我我

巖陀巖錡推婁崛崎振溪通谷塞產溝瀆恰呀豁閑阜

陵別島

文選作陽

歲魄崕塊丘墟崖藟

文選作壘

隱轡鬱端登降

施靡陂池獬豸沅溶淫鬻散渙夷陸亭臯千里靡不被

築揜以綠蕙被以江離糅以蘼蕪雜以流夷專

古布字結

縷攢戾莎揭車衡蘭橐本射干茈薑蘘荷歲橙

漢書作持若

蓀鮮支黃磔蔣芋

漢書作芋

青蘋布護閭澤延曷太原麗

文選

作離靡廣衍應風披靡吐芳揚烈郁郁斐斐

漢書作菲

衆香發

越臍蠻布寫晻曖苾勃於是乎周覽泛觀瞋盼

漢書作續紛

軋沕

漢書作芳

芒芒恍

漢書作恍

忽視之無端察之無崖日出東

治入于西陂其南則隆冬生長踊

漢書作涌

水躍波其獸則

獠

漢書作庸
文選作獠

旄獫狁

漢書作獫狁

犛牛麀麋赤首圖題窮奇象

犀其北則盛夏含凍裂地涉冰揭河其獸則麒麟角觝

漢書作端

駟駢橐駝

漢書作駝

蛩蛩驥駃騠驢騾

漢書作駃騠
文選作駃騠

於

是乎離宮別館彌山跨谷高廊四注重坐曲閣華棖壁

璫輦道纚屬步櫚周流長途中宿夷峻築堂累臺增成

巖突

漢書作突
文選作突

洞房俛

漢書作頽

杳眇而無見仰攀

漢書作攀
文選作攀

古攀字

棖而捫天奔星更於閭闔宛虹拖於楯軒青蚪

漢書作龍

蚺鰐於東箱

文選作箱

象輿婉蟬

漢書作俚

於西清靈園燕

於間觀偃佺之倫暴於南榮醴泉涌於清室通川過乎

漢書作於

中庭渠

文選作盤

石振

文選作振

崖嶽巖倚傾嵯峨礧礧

漢書

作嵯

刻削崢嶸玫瑰碧琳珊瑚叢生璠玉旁唐璚編

漢書

作玠

文鱗赤瑕駁犖雜市其間垂綏

文選作晁采

琬琰和氏

出焉於是乎盧橘夏孰

文選作熟

黃甘橙榛枇杷檮柿檮

漢書作亭素

厚朴櫟棗楊梅櫻桃蒲陶隱夫蓂棣格櫟

漢書作荅

還

荔枝

漢書作離支

羅乎後宮列乎北園貍丘陵下平原揚

翠葉机紫莖發紅華秀

漢書作垂

朱榮煌煌扈扈照曜鉅野

沙棠櫟櫛華汜

漢書作楓

櫛

漢書作枰

櫛留落胥餘仁頻并閭櫛

檀木蘭豫章女貞長千仞大連抱夸條直暢實葉後茂

漢書櫛文選

立叢倚連卷累

漢書作攏

倂崔錯登骹

古委字

阢

漢書作坑

衡間砢垂條扶於

漢書作疏

落英幡纚紛容

漢書作溶

蕭

作前蓼旖旎

漢書作猗 文選作猗 棍

從風瀏莅焮吸

漢書作歛

蓋象金石

之聲管籥之音柴

文選作傑

池訖虎旋環乎後宮雜選

漢書作藪

系輯被山緣谷循阪下隰視之無端究之無窮於是乎

玄猿素雌雌獵飛鷗蛭蜩蠹

漢書作獵

蜥蜴漢書作蜥胡穀蜚

棲息乎其間長嘯哀鳴翩幡互經天矯枝格偃蹇杪顛

隕絕梁騰殊榛捷垂條踔

漢書作掉

稀間牢落陸離爛曼

漢書

作漫文選作曼

遠遷若此輩者數千百處嬉

漢書作娛

游往來宮宿館

客

漢書作舍

庖厨不徙後宮不移百官備具於是乎背秋涉

冬天子校獵乘鏤象六玉蚪拖蜺旌靡雲旗前皮軒後

道游孫叔奉轡衛公驂

漢書作參

乘扈從橫行出乎四校之

中鼓嚴簿縱獠者江河

文選作河江

為陸泰山為櫓車騎雷

起隱天動地先後陸離離散別追淫淫裔裔緣陵流澤

雲布雨施生貔豹搏豺狼手熊羆足野羊蒙鵠蘇絳白

虎被幽

漢書作班

文跨野馬陵

文選作凌

三峻之危下磧歷之抵

徑陵

漢書作徑峻

赴險越壑厲水推

文選作椎

蜚廉弄獅勇格瑕

漢書作蝦

蛤鉞猛氏胃驤裒射封豕箭不苟害解脰陷腦弓

不虛發應聲而倒於是乎乘輿弭節裴回

漢書作徘徊

翱翔

往來睨部曲之進退覽將率

漢書作帥

之變態然後侵潭

漢書

作促促節儵夤遠去流離輕禽蹴履狡獸韞

漢書作韞文選作韞

白

鹿捷狡兔軼赤電遺光耀追怪物出宇宙彎繁弱滿白

羽射游梟標蜚虞

漢書作遽

擇肉而後發先中而命處弦矢

分藝殪仆然後揚節而上浮陵

文選作凌

驚風歷駭飈

漢書作焱

乘虛無與神俱麟

漢書作蘭文選作麟

元鶴亂昆鷄道孔鸞促駿

驥拂鸞

漢書作翳

鳥捎鳳凰捷駕雛

漢書作鷄鷄

揜焦明道盡塗

殫迴車而還招搖乎襄羊降集乎北紘率乎直指閭

漢書

作揜文選作掩

乎反鄉廢石闕歷封巒過鳩鵲望露寒下棠梨

息宜春西馳宣曲濯鷁牛首登龍臺掩細柳觀士大夫

之勤略鈞

文選均

獵者之所得獲徒車之所轉

文選

轅乘

漢書無乘字

騎之所蹂若人民

漢書無民字

之所蹈藉

與其窮極倦飮

文選

驚憚惛

漢書

伏不被創及而死者

佗佗

漢書作佗

籍籍

漢書

填坑

漢書

滿谷掩平彌澤於

是乎游戲懈怠置酒乎昊

漢書

天之臺張樂乎輶輶

漢書

作膠

之宇撞千石之鐘立萬石之鉅

漢書

建翠華之旗

樹靈囂之鼓奏陶唐氏之舞聽葛天氏之歌千人唱萬

人和山陵為之震動川谷為之蕩波巴渝宋蔡淮南于

漢書作干遮文成漢書作盛顛歌族舉遞奏金鼓迭起鏗鎗鐠磬

閨鞞漢書作洞心駭耳荆吳鄭衛之聲韶濩武象之樂陰淫

案衍之音鄢郢繽紛激楚結風俳優侏儒狄鞮之倡所

以娛耳目樂心意者麗靡爛漫於前靡曼美色於後若

夫青琴宓妃之徒絕殊離俗姣漢書作妖冶嫺漢書作閨都靚粧

刻飾便嬛綽漢書作靜約柔橈嬛嬛文選作嫵嫵媚漢書作嫵媚

批漢書作曳獨繭之褕施漢書作褻眇閭易以戌漢書作恤

削編姁徹徧漢書作便與世文選作俗殊服芬香漢書作芳漚鬱

酷烈淑郁皓齒粲爛宜笑的皪長眉連娟微睇繚藐色

授魂與

漢書作子

心愉於側於是酒中樂酣天子芒然而思

似若有亡曰嗟乎此泰奢侈朕以覽聽餘閒無事棄日

順天道以殺伐時休息於此恐後世

文選作業

靡麗遂往而

不返非所以為繼嗣創業垂統也於是乎乃解酒罷獵

而命有司曰地可以墾辟悉為農郊以贍萌隸墮墻塼

漸使山澤之民得至焉實陂池而勿禁虛宮觀

漢書作館

而

勿伐發倉廩以振

漢書作救

貧窮補不足恤鰥寡存孤獨出

德號省刑罰改制度易服色更正朔與天下為

文選多更字

始於是歷吉日以齋戒襲朝衣

漢書作服

乘法駕建華旗鳴

玉鸞游乎

漢書作于

六藝之囿

漢書多馳字

驚乎仁義之塗覽觀

春秋之林射貍首兼騶虞弋元鶴建

文選作舞

干戚載雲罕

揜羣雅悲伐檀樂樂胥修容乎禮園翱翔于

漢書作乎

書圃

述易道放怪獸登明堂坐清廟次羣臣奏得失四海之

內靡不受獲於斯之時天下大說鄉風而聽隨流而化

喟

漢書作翬

然興道而遷義刑錯而不用德隆乎三王

文選多而

字功羨於五帝若此故獵乃可喜也若夫終日暴露

漢書

無此二字馳騁勞神苦形罷車馬之用抗士卒之精費府庫

之財而無德厚之恩務在獨樂不顧衆庶忘國家之政

而

漢書無而字

貪雉兔之獲則仁者不由也從此觀之齊楚

之事豈不哀哉地方不過千里而園居九百是草木不

得墾辟而民

文選作人

無所食也夫以諸侯之細而樂萬乘

之所侈僕恐百姓被其尤也於是二子愀然改容超若

自失逡巡避席曰鄙人固陋不知忌諱乃今日見教謹

聞命矣

按藝文諸家傳本不一或字句互異或意義迥別茲於上林一賦以史記為正文而以漢書文

選參注其下長楊甘泉二賦以漢書為正文而以文選參注其下以例其餘後不復注

請雨華山賦

劉向

崆嶳巍靖崐崘山清忽幽昧往曲勃林岑茱萸

一作茱萸竭離

安連迎嵎通谷曼服懷奄草均阿阪殷紛聲沸路潦遠

調修崕曜寒服嶼冥冥蘭蔓散峽靖靖休休漆漆路黍

稷雲嶢忽傳天下為深壑旅請令深渥水谷密請宜令

所出百鎧鎧清池涌泉炎洲鳴

一作鳥

鴛翔噤噤殊召診

賞懸若神悲哀

一作

但往

一作

不可語人鹿麋麋麋

他他野牛勝握觸熊蒼蒼律怒佛特林旅象犀庸遊山

林天陰且雨員日聆棠柘梓桐樛梢母猴猿木戲手相

持睠陽趨芬若風時憚駕飄陽鸞孔翠文章明蟹

一作

曠苑倉游山旁悝嬾孤狝臨水凝渾兮不觸果必方葢

格可為悝陵鯉神龜春夏出遊冬自根聖人親之誠虞

哉號拖何不可勝亦路臨何為華山

按唐人選古文苑云此文闕訛

難讀姑存其
舊以俟識者

長楊賦 并序

揚雄

明年上將大誇胡人以多禽獸秋命右扶風發民入
南山西自褒斜東至弘農南臨漢中張羅網置罟捕
熊羆豪豬虎豹玃獾狐兔麋鹿載以檻車輸長楊射
熊館以罔為周陸縱禽獸其中令胡人手搏之自取
其獲上親臨觀焉是時農民不得收斂雄從至射熊
館還上長楊賦聊因筆墨一有成文章故藉翰林以
為主人子墨為客卿以諷其辭曰

子墨客卿問於翰林主人曰蓋聞聖主之養民也仁霑而恩洽動不為身今年獵長楊先命右扶風左太華而右褒斜極截嶺而為弋紆南山以為置羅千乘於林莽列萬騎於山隅帥軍蹕陸錫戎獲胡搯熊羆拖豪豬木擁搶纍以為儲胥此天下之窮覽極觀也雖然亦頗擾于農民三旬有餘其塵一作勤至矣而功不圖恐不識者外之則以為娛樂之遊內之則不以為乾豆之事豈為民乎哉且人君以玄默為神澹泊為德今樂遠出以露

威靈數搖動以罷

一作疲

車甲本非人主之急務也蒙竊

惑焉翰林主人曰吁客何謂茲邪若客所謂知其一未

覩其二見其外不識其內者也僕嘗倦談不能一二其

詳請略舉其凡而客自覽其切焉客曰唯唯主人曰昔

有彊秦封豕其士

一作土

寡窳其民鑿齒之徒相與摩

一作

磨牙而爭之豪俊糜沸雲擾羣黎為之不康于是上帝

眷顧高祖高祖奉命順斗極運天關橫巨海票

一作漂

崑

崙提劔而叱之所

一有過字

麾城櫓

一作櫓

邑下將降旗一日

之戰不可殫記當此之勤頭蓬不暇梳饑不及餐輿輦
生蟣蝨介冑被霑汗以為萬姓請命乎皇天廼展民之
所詘振民之所乏規億載恢帝業七年之間而天下密
如也逮至聖文隨風乘流方垂意于至寧躬服節儉綈
衣不敝草輶不穿大厦不居木器無文於是後宮賤璫
瑁而疎一作疏珠璣卻翡翠之飾除雕琢之巧惡麗靡而
不近斥芬芳而不御抑止絲竹宴衍一作衍之樂憎聞鄭
衛幼眇之聲是以玉衡正而太階平也其後獫鬻作虐

東夷橫畔羌戎睚眦閩越相亂遐萌

一作眠

為之不安中

國蒙被其難於是聖武勃怒爰整其旅廼命驃衛紛紜

沸渭雲合電發焱騰波流機駭螽軼疾如奔星擊如震

霆砰

一作碎

輶輶破穹廬腦沙幕髓余吾遂躡乎王庭驅

橐它燒燭

一作煥

蠡分梨單于磔裂屬國夷阮谷拔鹵莽

刊山石蹂屍輿廝係累老弱充

一作吮

鉞瘢耆金鏃浮夷

者數十萬人皆稽顙樹頷

一作頷

扶服蛾伏二十餘年矣

尚不敢惕息夫天兵四臨幽都先加迴戈邪指南越相

夷靡節西征羌楚東馳是以遐方疏俗殊隣絕黨之域

自上仁所不化茂德所不綏莫不躋足抗手

一作首

請獻

厥珍使海內澹然永亡邊城之災金革之患今朝廷純

仁遵道顯義并包書林聖風雲靡英華沈浮洋溢八區

普天所覆莫不沾濡士有不談王道者則樵夫笑之意

者以為事固隆而不殺物靡盛而不虧故平不肆險安

不忘危迺時以有年出兵整輿竦戎振師五柞習馬長

楊簡力狡獸狡武票

一作票

禽乃萃然登南山瞰烏弋西

歷月蝓東震日域又恐後世一作代迷於一時之事常以

此敗一作爲國家之大務淫荒田獵陵夷而不禦也是以

車不安軌一作軻日未靡旃從者彷彿翫屬而還亦所以

奉太宗一作尊之烈遵文武之度復三王之田反五帝之

虞使農不輟耰工不下機婚姻以時男女莫違出愷一作

凱弟行簡易矜劬勞休力役見百年存孤弱帥與之同

苦樂然後陳鐘鼓之樂鳴鞀磬之和建碣磬之虞拊隔

一作擊鳴球掉八列之舞酌允鑠肴樂胥聽廟中之雍雍

受神人之福祐歌投頌吹合雅其勤若此故真神之所
勞也方將俟元符以禪梁甫之基增泰山之高延光于
將來比榮乎往號豈徒欲淫覽浮觀馳騁稷稻之地周
流黎粟之林蹂踐芻蕘誇詡衆庶盛狎獲之收多麋鹿
之獲哉且盲者不見咫尺而離婁燭千里之隅客徒愛
胡人之獲我禽獸曾不知我亦已獲其王侯言未卒墨
客降席再拜稽首曰大哉體乎允非小子之所能及也
乃今日發矇廓然已昭矣

甘泉賦

并序

前人

成帝時客有薦雄文似相如者上方郊祀甘泉泰時
汾陰后土以求繼嗣召雄待詔承明之庭正月從上
甘泉還奏甘泉賦以風其辭曰

惟漢十世將郊上玄定泰時雍神休尊明號同符三皇
錄功五帝卹胤錫羨拓迹開統於是廼命羣僚歷吉日

協靈辰星陳而天行詔招搖與泰

一作太

陰兮伏鉤陳使

當兵屬堪輿以壁壘兮梢夔魑而扶獠狂八神奔而警

蹕兮振殷鑠而軍裝蚩尤之倫帶干將而秉玉戚兮飛

蒙茸而走陸梁齊總總

一有以字

搏搏其相膠葛

一作輶

兮焱

駭雲迅奮以方攘駢羅列布鱗以雜沓兮柴虎參差魚

頡而鳥矚翕赫習霍霧集

一有而字

蒙合兮半散照爛粲以

成章於是乘輿廼登夫鳳凰兮

一有而字

翳華芝駟蒼螭兮

六素蚪蠖畧蕤綏灘虐慘

一作祿

纒帥爾陰閉雪然陽開

騰清霄而軼浮景兮夫何旗旒郅偁之旖旎也流星旒

以電燭

一作燭

兮咸翠蓋而鸞旗敦

一作屯

萬騎於中營兮

方玉車之千乘聲駉隱以陸離兮輕先疾雷而馭遺風

陵一作凌高衍之崕嶷兮超紆譎之清澄登椽欒而眴天

門兮馳閭闔而入凌兢是時未轅夫甘泉也廼望通天

之繹繹下陰潛以慘廩一作慄兮上洪紛而相錯直嶢嶢

以造天兮厥高慶而不可乎疆一作彌度平原唐其壇曼

兮列新雉於林薄攢并閭與茆苦兮紛被麗其亡鄂崇

丘陵之駸駸兮深溝欽巖而為谷逞逞離宮般以相燭

燭一作作兮封巒石關施一作連靡乎延一作屬於是大夏雲

誦波詭推唯而成觀仰橋首以高視兮目冥眴而無見

正瀏濫以弘惝兮指東西之漫漫徒回回

一作細

以徨徨

兮魂固眇眇而昏亂據軫軒而周流兮忽軼軼

一作塊圯而

無垠翠玉樹之青葱兮壁馬犀之璘

一作璘

璠金人仡仡

其承鐘虞兮嵌巖巖其龍鱗揚光曜之燎燭

一作燭

兮垂

景炎之炘炘配帝居之縣圃兮象泰壹之威神洪臺掘

一作嶠其獨出兮擢

一作檄

北極之嶸嶸列宿廼施於上榮

兮日月纔經於枅振雷鬱律而

一作於

巖突兮電倏忽於

牆藩鬼魅不能自還

一作連

分半長途而下顛歷倒景而

絕飛梁兮浮蟻蠓而撒天左櫓槍而右玄冥兮前燁闕

而後應門陰

一作陰

西海與幽都兮涌醴汨以生川蛟龍

連蜷於東厓兮白虎敦圉乎崑崙覽穆流於高光兮溶

方皇於西清前殿崔巍兮和氏瓏玲

一作瓏玲

炕浮柱之飛

榱兮神莫莫而扶傾閼閼其寥廓兮似紫宮之崢嶸

駢交錯而曼衍兮崦嵫巍乎其相嬰乘雲閣而上下兮

紛蒙籠以棍

一作棍

成曳紅采之流離兮颺翠氣之宛延

襲琬室與傾宮兮若登高眇

一作邈

遠肅乎臨淵迴焱肆

其碣駭兮玃桂椒而鬱移楊香芬第以窮

一作穹

隆兮擊

薄櫨而將榮薌咲肝以棍根

一作披

兮聲駢隱而歷鐘排

玉戶而颺金鋪兮發蘭蕙與芎藭帷弭彈其拂汨兮稍

暗暗而靚深陰陽清濁穆羽相和兮若夔牙之調琴般

倕棄其剗剗兮王爾

一作爾

投其鈎繩雖方征僑與倕佺

兮猶彷彿其若夢於是事變物化目駭耳回蓋天子穆

然珍臺閒館琬題玉英蝸蛸蟻濩之中惟夫所以澄心

清魂儲精垂思

一作思

感動天地逆釐三神者廼搜逮索

偶臯伊之徒冠倫魁能函甘棠之惠挾東征之意相與

齊乎陽靈之宮靡薜荔而為席兮折瓊枝以為芳喻清

雲之流霞兮飲若木之露英集乎禮神之囿登乎頌祇

之堂建光曜之長旂兮昭華覆之威威攀璇璣而下視

兮行遊目乎三危陳衆車於東阬兮肆玉鉞

一作軼

而下

馳漂龍淵而還九垓兮窺地庑而上迴風從從

一作從而

扶轄兮鸞鳳紛其御

一作銜

澹梁弱水之漚漚

一作澹

兮躡

不周之逵蛇想西王母欣然而上壽兮屏玉女而卻處
妃玉女亡所眺其清虛兮處妃曾不得施其蛾眉方擘
道德之精剛兮侔神明與之為資於是欽紫宗祈燎薰

皇天招

一作
皐

搖泰壹舉洪頤樹靈旗樵蒸焜上配藜四

施東燭滄海西耀

一作
耀

流沙北燠

一作
燠

幽都南燭丹厓

玄瓚鰓鰓秬鬯泔淡盱蟹豐融懿懿芬芬炎感黃龍兮
燁訛碩麟選巫咸兮叫帝閭開天庭兮延羣神儼暗藹
兮降清壇瑞穰穰兮委如山於是事畢功弘迴車而歸

度三巒兮倡棠梨天閭決兮地垠開八荒協兮萬國諧

登長平兮雷鼓磕

一作磔

天聲起兮勇士厲雲飛揚兮雨

滂沛于胥德兮麗萬世亂曰崇崇園丘隆隱天兮登降

剡施單墀垣兮增宮嶮差駢嵯峨兮岭嶸嶙峋洞無厓

兮上天之緯

載同

杳旭卉兮聖皇穆穆信厥對兮徠祇郊

裡神所依兮徘徊招搖靈遲

一作遲

迟兮輝光

一作光輝

眩耀

隆厥福兮子子孫孫長無極兮

甘泉宮賦

劉歆

軼凌陰之地室過陽谷之增城迴天門而鳳舉躡黃帝
之明庭冠高山而為居乘崑崙而為宮按軒轅之舊處
居北辰之關中背共工之幽都向炎神之祝融封巒為
之東序緣石闕之天梯桂木雜而成行芳肝鬻之依斐
翡翠孔雀飛而翱翔鳳凰止而集栖甘醴涌于中庭激
清流之瀾瀾黃龍遊而宛蟠神龜沈於玉泥離宮特館
接比相連雲起波駭星布彌山高巒峻阻臨洮廣衍深
林蒲葦涌水清泉芙蓉菡萏凌苕蘋繁豫章雜木梗松

柞械女貞烏勃桃李棗欂

論都賦

後漢
杜篤

皇帝以建武十八年二月甲辰升輿洛邑巡於西嶽推
天時順斗極排閭闔入函谷觀阨於峭岨圖險於隴蜀
其三月丁酉行至長安經營宮室傷愍舊京即詔京兆
廼命扶風齋肅致敬告覲園陵悽然有懷祖之思喟乎
以思諸夏之隆遂天旋雲遊造舟於渭北航涇流千乘
方轂萬騎駢羅衍陳於岐梁東橫乎大河塋后土禮邠

郊其歲四月反於洛都明年有詔復函谷關作大駕宮
六王邸高車殿於長安修理東都城門橋涇渭往往繕
離觀東臨霸漣西望昆明北登長平規龍首撫未央覲
平樂儀建章是時山東翕然狐疑意聖朝之西都懼關
門之反拒也客有為篤言彼埒井之潢汙固不容夫吞
舟且洛邑之淳澹曷足以居乎萬乘哉咸陽守國利器
不可久虛以示姦萌篤未甚然其言也故因為述大漢
之崇世據雕州之利而今國家未暇之故以喻客意曰

昔在彊秦爰初開畔霸自岐靡國富人衍卒以并兼桀
虐作亂天命有聖託之大漢大漢開基高祖有勲斬白
蛇屯黑雲聚五星於東井提干將而呵暴秦蹈滄海跨
崑崙奮慧光埽項軍遂濟人難蕩滌於泗沂劉敬建策
初都長安太宗承流守之以文躬履節儉側身行仁食
不二味衣無異采賑人以農桑率下以約已曼麗之容
不悅於目鄭衛之聲不過於耳佞邪之臣不列於朝巧
偽之物不鬻於市故能理升平而刑幾措富衍於孝景

功傳於後嗣是時孝武因其餘財府帑之蓄始有鉤深
圖遠之意探冒頓之罪校平城之讐遂命票騎勤任衛
青勇惟鷹揚軍如流星深之匈奴割裂王庭席卷漠北
叩勒祁連橫分單于屠裂百蠻燒罽帳繫關氏燔康居
灰珍奇椎鳴鏑釘鹿蠡馳阮岸獲昆彌擄傲佞驅騾驢
馭宛馬鞭馭駉拓地萬里威震八荒肇置四郡據守敦
煌并域屬國一郡領方立候隔北建護西羌撫驅氏蹙
寥狼叩苻東擁烏桓蹂躪濊貊南羈鈎町水劍強越殘

夷文身海波沫血郡縣日南漂驟朱崖部尉東南兼有
黃支連緩耳瑣雕題摧天督牽象犀椎蚌蛤碎瑠璃甲
瑇瑁戕觜觿於是同穴裘褐之域共川鼻飲之國莫不
袒跣稽顙失氣潛伏非夫大漢之盛世藉靡土之饒得
御外理內之術孰能致功若斯故創業於高祖嗣傳於
孝惠德隆于太宗財衍於孝景威盛於聖武政行於宣
元侈極於成哀祚缺於孝平傳世十一歷載三百德衰
而復盈道微而復章皆莫能遷於靡州而背於咸陽宮

室寢廟山陵相望高顯弘麗可思可榮義農已來無茲
著明夫靡州本帝皇所以育業霸王所以衍功戰士角
難之場也禹貢所載厥田惟上沃野千里原隰彌望保
殖五穀桑麻條暢濱據南山帶以涇渭號曰陸海蠡生
萬類梗枏檀柘蔬果成實畎瀆潤淤水泉灌溉漸澤成
川粳稻陶遂厥土之膏畝價一金田田相如鑄鑊株林
火耕流種功淺得深既有蓄積阡塞四臨西被隴蜀南
通漢中北據谷口東阻欽巖關函守嶢山東道窮置列

汧隴靡偃西戎拒守褒斜嶺南不通杜口絕津朔方無
從鴻渭之流徑入於河大船萬艘轉漕相過東綜滄海
西網流沙朔南暨聲諸夏是和城池百尺阨塞要害關
梁之險多所衿帶一卒舉礪千夫沈滯一人奮戟三軍
沮敗地執便利介冑剽悍可與守近利以攻遠士卒易
保人不肉袒肇十有二是為瞻腴用霸則兼并先據則
功殊修文則財衍行武則士要為政則化上篡逆則難
誅進攻則百尅退守則有餘斯固帝王之淵囿而守國

之利器也逮及亡新時漢之衰偷忍淵囿篡器慢違徒以執便莫能卒危假之十八誅自京師天畀更始不能引維慢藏招寇復致赤眉海內雲擾諸夏滅微羣龍並戰未知是非于時聖帝赫然申威荷天人之符兼不世之姿受命於皇上獲助於靈祇立號高邑舉旗四麾首策之臣運籌出奇號怒之旅如虎如螭師之攸向無不靡披蓋夫燔魚剗蛇莫之方斯大呼山東響動流沙要龍淵首鑢鄣命騰太白親發狼弧南禽公孫北背強胡

西平隴冀東據洛都乃廓平帝宇濟蒸人於塗炭成兆
庶之疊疊遂興復乎大漢今天下新定矢石之勤始瘳
而主上方以邊垂為憂忿葭萌之不柔未遑於論都而
遺思靡州也方躬勞聖思以率海內厲撫名將略地疆
外信威於征伐展武乎荒裔若夫文身鼻飲緩耳之主
椎結左衽鐻錫之君東南殊俗不羈之國西北絕域難
制之隣靡不重譯納貢請為藩臣上猶謙讓而不伐勤
意以為獲無用之衆不如安有益之民略荒裔之地不

如保殖五穀之淵遠救於已亡不若近而存存也今國
家躬修道德吐惠含仁湛恩沾洽時風顯宣徒垂意於
持平守實務在愛育元元苟有便於王政者聖主納焉
何則物罔益而不損道無隆而不移陽盛則運陰滿則
虧故存不忘亡安不諱危雖有仁義猶設城池也客以
利器不可久虛而國家亦不忘乎西都何必去洛邑之
滄澹與

西都賦

班固

有西都賓問於東都主人曰蓋聞皇漢之初經營嘗有
意乎都河洛矣輟而弗康實用西遷作我上都主人聞
其故而覩其制乎主人曰未也願賓攄懷舊之蓄念發
思古之幽情博我以皇道弘我以漢京賓曰唯唯漢之
西都在於雍州實曰長安左據函谷二嶠之阻表以太
華終南之山右界褒斜隴首之險帶以洪河涇渭之川
華實之毛則九州之上腴焉防禦之阻則天地之奧區
焉是故橫被六合三成帝畿周以龍興秦以虎視及至

大漢受命而都之也仰寤東井之精俯協河圖之靈奉
春建策留侯演成天人合應以發皇明乃眷西顧實惟
作京於是睇秦嶺賊北阜挾鄠霸據龍首圖皇基於億
載度宏規而大起肇自高而終平世增飾以崇麗歷十
二之延祚故窮泰而極侈建金城之萬雉呀周池而成
淵披三條之廣路立十二之通門內則街衢洞達閭閻
且千九市開場貨別隧分人不得顧車不得旋闐城溢
郭旁流百塵紅塵四合煙雲相連於是既庶且富娛樂

無疆都人士女殊異乎五方遊士擬於公侯列肆侈於
姬姜鄉曲豪舉遊俠之雄則節慕原嘗名亞春陵連交
合衆騁驚乎其中若乃觀其四郊浮遊近縣則南望杜
霸北眺五陵名都對郭邑居相承英俊之域紱冕所興
冠蓋如雲七相五公與乎州郡之豪傑五都之貨殖三
選七遷充奉陵邑蓋以彊幹弱枝隆上都而觀萬國也
封畿之內厥土千里卓犖諸夏兼其所有其陽則崇山
隱天幽林穹谷陸海珍藏藍田美玉商洛緣其隈鄠杜

濱其足原泉灌注陂池交屬竹林果園芳草甘木郊野之富號曰近蜀其陰則冠以九峻陪以甘泉乃有靈宮起乎其中秦漢之所極觀淵雲之所頌歎於是乎存焉下有鄭白之沃衣食之源提封五萬疆場綺分溝塍刻鏤原隰龍鱗決渠降雨荷重成雲五穀垂穎桑麻鋪荼東郊則有通溝大漕潰渭洞河泛舟山東控引淮湖與海通波西郊則有上囿禁苑林麓藪澤陂池連乎蜀漢繚以周牆四百餘里離宮別館三十六所神池靈沼往

往而在其中乃有九真之麟大宛之馬黃支之犀條枝
之鳥踰崑崙越巨海殊方異類至於三萬里其宮室也
體象乎天地經緯乎陰陽據坤靈之正位倣太紫之圓
方樹中天之華闕豐冠山之朱堂因瑰材而究奇抗應
龍之虹梁列栱椽以布翼荷棟桴而高驤雕玉璫以居
楹裁金璧以飾璫發五色之渥彩光燭朗以景彰於是
左城右平重軒三階閨房周通門闥洞開列鐘虞於中
庭立金人於端闈仍增崖而衡閭臨峻路而啓扉徇以

離宮別寢承以崇臺間館煥若列宿紫宮是環清涼宣
溫神僊長年金華玉堂白虎麒麟區宇若茲不可殫論
增盤崔嵬登降焰爛殊形詭制每各異觀乘茵步輦惟
所息宴後宮則有掖庭椒房后妃之室合歡增城安處
常寧蒞若椒風披香發越蘭林蕙草鴛鴦飛翔之列昭
陽特盛隆於孝成屋不呈材牆不露形裛以藻繡絡以
綸連隨侯明月錯落其間金釭銜壁是為列錢翡翠火
齊流耀含英懸黎垂棘夜光在焉於是玄墀釳砌玉階

彤庭碾礧綵綴琳珉青瑩珊瑚碧樹周阿而生紅羅颯
纒綺組繽紛精曜華燭俯仰如神後宮之號十有四位
窈窕繁華更盛迭貴處乎斯列者蓋以百數左右廷中
朝堂百寮之位蕭曹魏邴謀謨乎其上佐命則垂統輔
翼則成化流大漢之愷悌蕩亡秦之毒螫故令斯人揚
樂和之聲作畫一之歌功德著乎祖宗膏澤洽乎黎庶
又有天祿石渠典籍之府命夫惇誨故老名儒師傅講
論乎六藝稽合乎同異又有承明金馬著作之庭大雅

宏達於茲為羣元元本本殫見洽聞啓發篇章校理祕
文周以鉤陳之位衛以嚴更之署總禮官之甲科羣百
郡之廉孝虎賁贄衣闔尹閭寺階戟百重各有典司周
廬千列徼道綺錯輦路經營修除飛閣自未央而連桂
宮北彌明光而亘長樂陵墜道而超西墉混建章而連
外屬設壁門之鳳闕上觚稜而棲金爵內則別風之嶠
嶢眇麗巧而聳擢張千門而立萬戶順陰陽以開闔爾
乃正殿崔巍層構厥高臨乎未央經駘盪而出馭娑洞

杓詣以與天梁上反宇以蓋戴激日景而納光神明鬱
其特起遂偃蹇而上躋軼雲雨於太半虹霓迴帶於芬
楣雖輕迅與僛狡猶愕眙而不能階攀井幹而未半目
眴轉而意迷舍櫺檻而卻倚若顛墜而復稽魂怳怳以
失度巡迴塗而下低既懲懼於登望降周流以徬徨步
角道以縈紆又杳窅而不見陽排飛闥而上出若遊目
於天表似無依而洋洋前唐中而後太液覽滄海之湯
湯揚波濤於碣石激神岳之將將濫瀛洲與方壺蓬萊

起乎中央於是靈草冬榮神木叢生巖峻峭崿金石崢
嶸抗僊掌以承露擢雙立之金莖軼埃壘之混濁鮮顥
氣之清英騁文成之不誕馳五利之所刑庶松喬之羣
類時遊從乎斯庭實列僊之攸館非吾人之所寧爾乃
盛娛遊之壯觀奮泰武乎上囿因茲以威戎夸敵耀威
靈而講武事命荊州使起烏詔梁野而驅獸毛羣內闔
飛羽上覆接翼側足集禁林而屯聚水衡虞人修其營
表種別羣分部曲有署罽網連絃籠山絡野列卒周匝

星羅雲布於是乘鸞輿備法駕帥羣臣披飛廉入苑門
遂繞鄠鄠歷上蘭六師發逐百獸駭殫震震爚爚雷奔
電激草木塗地山淵反覆蹂躪其十二三乃拗怒而少
息爾乃期門攸飛列刃攢鏃要趺追蹤鳥驚觸絲獸駭
值鋒機不虛掎弦不再控矢不單殺中必疊雙颺颺紛
紛矰繳相纏風毛雨血灑野蔽天平原赤勇士厲援狻
失木豺狼懾竄爾乃移師趨險並蹈潛穢窮虎奔突狂
兕觸蹶許少施巧秦成力折掎僞狡捥猛噬脫角挫脰

徒搏獨殺挾師豹拖熊螭曳犀羴頓象羆超洞壑越峻
崖蹶巉巖鉅石隕松栢仆叢林摧草木無餘禽獸殄夷
於是天子乃登屬王之館歷長楊之榭覽山川之體勢
觀三軍之殺獲原野蕭條目極四裔禽相鎮壓獸相枕
藉然後收禽會衆論功賜胙陳輕騎以行魚騰酒車而
斟酌割鮮野食舉烽命爵饗賜畢勞逸齊大輅鳴鑾容
與徘徊集乎豫章之宇臨乎昆明之池左牽牛而右織
女似雲漢之無涯茂樹蔭蔚芳草被堤蘭茝發色晔晔

猗猗若搗錦布繡燭耀乎其陂鳥則玄鶴白鷺黃鵠鵠
鸛鵠鵠鵠鳬鷺鴻鴈朝發河海夕宿江漢沈浮往來
雲集霧散於是後宮乘輶輅登龍舟張鳳蓋建華旗祛
黼帷鏡清流靡微風澹淡浮耀女謳鼓吹震聲激越營
厲天鳥羣翔魚窺淵招白鵬下雙鵠揄文竿出比目撫
鴻量御矰綴方丹並驚俛仰極樂遂乃風舉雲搖浮遊
溥覽前乘秦領後越九峻東溥河華西涉岐雍宮館所
歷百有餘區行所朝夕儲不改供禮上下而接山川究

休祜之所用采遊童之歡謠第從臣之嘉頌於斯之時
都都相望邑邑相屬國藉十世之基家承百年之業士
食舊德之名氏農服先疇之畝畝商循族世之所鬻工
用高曾之規矩粲乎隱隱各得其所若臣者徒觀迹於
舊墟聞之乎故老什分而未得其一端故不能徧舉也

終南山賦

前人

伊彼終南巋嶙困嶰青宮觸紫宸嶽嶽鬱律萃于霞
芬曖曖晦靄若鬼若神傍吐飛瀨上挺修林立泉落落

密陰沈沈榮期綺李此焉恬心三春之季孟夏之初天
氣肅清周覽八隅皇鸞鸞鸞鸞乃前驅爾其珍恠碧玉
挺其阿蜜房溜其巔翔鳳哀鳴集其上清水泌流注其
前彭祖宅以蟬蛻安期饗以延年唯至德之為美我皇
應福以來臻掃神壇以告誠薦珍馨以祈仙嗟茲介福
永終億年

西京賦

張衡

有憑虛公子者心參體忤雅好博古學乎舊史氏是以

多識前代之載言於安處先生曰夫人在陽時則舒在陰時則慘此牽乎天者也處沃土則逸處瘠土則勞此繫乎地者也慘則慙於歡勞則褊於惠能違之者寡矣小必有之大亦宜然故帝者因天地以致化兆人承上教以成俗化俗之本有與推移何以覈諸秦據雍而彊周即豫而弱高祖都西而秦先武處東而約政之興衰恒由此作先生獨不見西京之事歟請為吾子陳之漢氏初都在渭之涘秦里其朔實為咸陽左有崤函重險

桃林之塞綴以二華巨靈鼉鼉高掌遠蹠以流河曲厥
跡猶存右有隴坻之隘隔閼華戎岐梁汧雍陳寶鳴雞
在焉於前則終南太一隆崛崔嵬隱轉鬱律連岡乎喘
冢抱杜含鄠欲澧吐鎬爰有藍田珍玉是之自出於後
則高陵平原據渭踞涇澶漫靡迤作鎮於近其遠則有
九峻甘泉涸陰沍寒日北至而含凍此焉清暑爾乃廣
衍沃野厥田上上實惟地之奧區神臯昔者大帝說秦
繆公而覲之饗以鈞天廣樂帝有醉焉乃為金策錫用

此土而翦諸鷄首是時也並為疆國者有六然而四海
同宅西秦豈不詭哉自我高祖之始入也五緯相叶以
旅於東井婁敬委輅幹非其議天啓其心人悉之謀及
帝圖時意亦有慮乎神祇宜其可定以為天邑豈伊不
虔思於天衢豈伊不懷歸於枌榆天命不滔疇敢以渝
於是量徑輪考廣袤經城洹營郭郭取殊裁於八都豈
稽度於往舊爾乃覽秦制跨周法狹百堵之側陋增九
筵之迫脅正紫宮于未央表峽闕於閭闔疏龍首以抗

殿狀巍峩以岌業亘雄虹之長梁結芬橑以相接蒂倒
茄於蓊井披紅葩之狎獵飾華棖與壁璫流景曜之韡
曄雕楹玉碣繡栢雲楣三階重軒鏤檻文櫨右平左城
青鎖丹墀刊層平堂設切厓隙坻崿鱗眴棧齟嶮嶮襄
岸夷塗修路峻險重門襲固姦宄是防仰福帝居陽曜
陰藏洪鍾萬鈞猛虞趨負筍業而餘怒乃奮翅而騰
驤朝堂承東溫調延北西有玉臺聯以昆德嵯峨嶮業
罔識所則若夫長年神僊宣室玉堂麒麟朱鳥龍興含

章譬衆星之環極叛赫戲以輝煌正殿路寢用朝羣辟
大廈耽耽九戶開闢嘉木樹庭芳草如積高門有閼列
坐銅狄內有常侍謁者奉命當御外有蘭臺金馬遞宿
迭居次有天祿石渠校文之處重以虎威重溝嚴更之
署徼道外周千廬內附衛尉八屯警夜巡晝植鍛懸戲
用戒不虞後宮則昭陽飛翔增成合驪蘭林披香鳳凰
駕鸞羣窈窕之華麗嗟內顧之所觀故其館室次舍采
飾纖縟裊以藻繡文以朱綠翡翠火齊絡以美玉流懸

黎之夜光綴隋珠以為燭金祀玉階彤庭輝輝珊瑚琳
碧璠璣璘彬珍物羅生煥若崑崙雖厥裁之不廣侈靡
踰乎至尊於是鉤陳之外閣道穹隆屬長樂與明光徑
北通乎桂宮命般爾之巧匠盡變態乎其中於是後宮
不移樂不徙懸門衛供帳官以物辨恣意所幸下輦成
燕窮年忘歸猶弗能徧塊異日新殫所未見惟帝王之
神麗懼尊卑之不殊雖斯宇之既坦心猶憑而未攄思
比象於紫薇恨阿房之不可廬覩往昔之遺館獲林光

於秦餘處甘泉之爽塏乃隆崇而弘敷既新作於迎風
增露寒與儲胥託喬基於山岡直帶霓以高居通天詔
以竦峙徑百常而莖擢上辨華以交紛下刻隋其若削
翔羈仰而弗逮況青鳥與黃雀伏櫺檻而頻聽聞雷霆
之相激柏梁既災越巫陳方建章是經用厭火祥營宇
之制事兼未央園闕竦以造天若雙碣之相望鳳騫翥
於薨標咸邈風而欲翔閭闔之內別風嶢嶢何工巧之
瑰瑋交綺豁以疏寮干雲霧而上達狀亭亭以茗茗神

明崛其特起并幹疊而百增時遊極於浮柱結重欒以
相承累層構而遂躋望北辰而高興消雰埃於中宸集
重陽之清微瞰宛虹之長鬢察雲師之所憑上飛闥而
仰眺正睹瑤光與玉繩將乍往而未半怵悼慄而聳兢
非都盧之輕趨孰能超而究升馭娑駘盪燾杳桔桀枌
詣承光睽眾摩豁增桴重勢鏐鏐列列反宇業業飛檐
轆轤流景內照引曜日月天梁之宮實開高闈旗不脫
局結駟方斲櫟輻輳輕鶩容於一扉長廊廣廡連閣雲夢

閑庭詭異門千戶萬重閨幽闥轉相踰延望竄窳以徑
廷眇不知其所返既乃珍臺蹇厓以極北墜道邈倚以
正東似閩風之遐坂橫西洫而絕金墉城尉不弛柝而
內外潛通前開唐中彌望廣濶顧臨太液滄池泮沆漸
臺立於中央赫眎眎以弘敞清淵洋洋神山峨峨列瀛
洲與方丈夾蓬萊而駢羅上林岑以壘靠下嶰巖以崑
嶠長風激於別隄起洪濤而揚波浸石菌於重涯濯靈
芝於朱柯海若遊於元渚鯨魚失流而蹉跎於是采少

君之端信庶藥大之貞固立修塋之仙掌承雲表之清
露屑瓊藥以朝飧必性命之可度美往昔之松喬要羨
門乎天路想升龍於鼎湖豈時俗之足慕若歷世而長
存何遽營乎陵墓徒觀其城郭之制則旁開三門參塗
夷庭方軌十二街衢相經廛里端直薨宇齊平北闕甲
第當道直啓程巧致功期不阨侈木衣綈錦土被朱紫
武庫禁兵設在蘭錡匪石匪董疇能宅此爾乃廊開九
市通關帶闌旗亭五重俯察百遂周制大胥今也惟尉

壞貨方至鳥集鱗萃鬻者兼羸求者不匱爾乃商賈百
族裨販夫婦鬻良雜苦出眩邊鄙何必昏於作勞邪羸
優而足恃彼肆人之男女麗美奢乎許史若夫翁伯濁
質張里之家擊鐘鼎食連騎相過東京公侯壯何能加
都邑游俠張趙之倫齊志無忌擬跡田文輕死重氣結
黨連羣實蓄有徒其從如雲茂陵之原陽陵之朱趨悍
虓豁如虎如猛睚眦蠆芥屍僵路隅丞相欲以贖子罪
陽石汙而公孫誅若其五縣遊麗辯論之士街談巷議

彈射臧否剖析毫釐擘肌分理所好生毛羽所惡成瘡
痂郊甸之內鄉邑殷賑五都貨殖既遷既引商旅聯樞
隱隱展展冠帶交錯方輳接軫封畿千里統以京尹郡
國宮館百四十五右極蓋屋并卷鄴鄴左暨河華遂至
號土上林禁苑跨谷彌阜東至鼎湖邪界細柳掩長楊
而聯五柞繞黃山而款牛首繚垣綿聯四百餘里植物
斯生動物斯止衆鳥翩翩羣獸駉駉散似驚波聚似京
峙伯益不能名隸首不能紀林麓之饒於何不有木則

樅栝檟枏梓楓梗楓嘉卉灌叢蔚若鄧林鬱蓊愛對櫛
爽櫛慘吐葩颺榮布葉垂陰草則蒨莎菅蒹薇蕨蕨荒
王芻蒣臺戎葵懷羊莽蓴蓬茸彌皋被岡篠簕敷衍編
町成篁山谷原隰決落無疆迺有昆明靈沼黑水元阯
周以金堤樹以柳杞豫章珍館揭焉中峙牽牛立其左
織女處其右日月於是乎出入象扶桑與濛汜其中則
有鼉鼉巨鼈鱣鯪鰭鮪鮓鰭鮓鮓額短項大口折鼻
詭類殊種鳥則鷓鴣鴝鵒鴝鴝鴝鴝鴝鴝鴝鴝鴝鴝鴝鴝
鴝鴝鴝鴝鴝鴝鴝鴝鴝鴝鴝鴝鴝鴝鴝鴝鴝鴝鴝鴝鴝鴝

溫南翔衡陽北棲雁門奮隼歸鳬沸卉砰訇衆形殊聲
不可勝論於是孟冬作陰寒風肅殺雨雪飄搖冰霜慘
烈百卉具零剛蟲搏擊爾乃振天維行地絡蕩川瀆簸
林薄鳥畢駭獸咸作草伏木棲寓居穴託起彼集此霍
繹紛泊在彼靈囿之中前後無有垠鍔虞人掌焉為之
營域焚萊平場柞木翦棘結置百里迄杜蹊塞麋鹿虞
虞駢田偪仄天子乃駕彫軫六駿駁戴翠帽倚金較璿
弁玉纓遺光倏爚建元弋樹招搖棲鳴鳶曳雲梢弧旌

枉矢虹旃蜺旌華蓋承辰天畢前驅千乘雷動萬騎龍
趨屬車之遣載獫狁獯匪唯翫好乃有秘書小說九百
本自虞初從容之求實俟實儲於是蚩尤秉鉞奮鬣被
般禁御不若以知神姦螭魅魍魎莫能逢旃陳虎旅於
飛廉正壘壁乎上蘭結部曲整行伍燎京薪駭雷鼓縱
獵徒赴長莽迺卒清候武士赫怒縵衣韎韐睚眦跋扈
光炎燭天庭器聲震海浦河渭為之波盪吳嶽為之阨
堵百禽悽遽駭瞿奔觸喪精亡魂失歸忘趨投輪闕輻

不邀自遇飛罕捕削流鎬撓爆矢不虛舍鋌不苟躍當
足見踞值輪被轢僵禽斃獸爛若磧礫但觀罝羅之所
罾結竿及之所擗畢义族之所撓捫徒搏之所撞批白
日未及移其畧已徧其什七八若夫游鷗高翬絕阮踰
斥鷃免聯猿陵巒超壑比諸東郭莫之能獲乃使迅羽
輕足尋影追括鳥不暇舉獸不得發青骹摯於罽下韓
盧噬於綵末及其猛毅鬚鬚隅目高睨威懾兕虎莫之
敢伉迺使中黃之士育獲之儔朱鬣鬣鬣植髮如竿袒

裼戟手踰蹕盤桓鼻赤象園巨狴獠狒狒批獠狻猊指枳
落突棘藩梗林為之靡拉撲叢為之摧殘輕銳僨狡趨
捷之徒赴洞穴探封狐陵重巘獵昆駘杪木末獲獬獬
超殊榛帶飛鼯是時後宮嬖人昭儀之倫常亞於乘輿
慕賈氏之如臯樂北風之同車盤于游畋其樂只且於
是鳥獸殫目觀窮遷延邪睨集乎長楊之宮息行夫展
車馬收禽舉觥數課衆寡置互擺牲頒賜獲鹵割鮮野
饗犒勤賞功五軍六師千列百重酒車酌醴方駕授饗

升觴舉燧既醕鳴鐘膳夫馳騎察貳廡空炙息夥清醑
敘皇恩溥洪德施徒御悅士忘罷巾車命駕迴旆右移
相羊乎五柞之館旋憩乎昆明之池登豫章簡矰紅蒲
且發弋高鴻挂白鶴聯飛龍磻不特絳往必加雙於是
命舟牧為水嬉浮鷁首翳雲芝垂翟葆建羽旗齊棹女
縱櫂歌發引和校鳴葭奏淮南度陽阿感河馮懷湘娥
驚蜩蛭憚蛟鼉然後釣魴鱧纏鯉鮒捩紫貝搏耆龜搯
水豹島潛牛澤虞是濫何有春秋摘謬澥搜川瀆布九

豈設罟罟擢鯢鯪殄水族蘧藕拔蜃蛤剥逞欲畋戲效
獲麇麇摎蓼泮浪乾池滌藪上無逸飛下無遺走獲胎
拾卵蛭蝓盡取取樂今日逞恤我後既定且寧焉知傾
陀大駕幸平平樂張甲乙而襲翠被攢珍寶之玩好紛
瑰麗以夸靡臨迥望之廣場程角觝之妙戲烏獲扛鼎
都盧尋橦衝狹鶯濯胃突鈇鋒跳九劍之揮霍走索上
而相逢華嶽峩峩罔巒參差神木靈草朱實離離總會
僊侶戲豹舞羆白虎鼓瑟蒼龍吹篴女娥坐而長歌聲

清暢而蜚蛇洪涯立而指麾被羽毛之襪襪度曲未終
雲起雪飛初若飄飄後遂霏霏複陸重閣轉石成雷礚
礚激而增響磅礚象乎天威巨獸百尋是為蔓延神山
崔巍欵從背見熊虎升而挈攫援抗超而高援恠獸陸
梁大雀跋跋白象行孕垂鼻轉困海鱗變而成龍狀蛇
蛻以蜃蛻含利甕甕化為仙車驪駕四鹿芝蓋九葩蟾
蜍與龜水人弄蛇奇幻儵忽易貌分形吞刀吐火雲霧
杳冥畫地成川流渭通涇東海黃公赤刀粵祝冀厭白

虎卒不能救挾邪作蠱於是不售爾乃建戲車樹修旃
偃僮程材上下翩翻突倒投而跟絰譬隕絕而復聯百
馬同轡騁足並馳橦末之伎態不可彌彎弓射乎西羌
又顧發乎鮮卑於是衆變盡心醒醉盤樂極悵慄萃陰
戒期門微行要屈降尊就卑懷璽藏紱便旋間閭周觀
郊遂苦神龍之變化章后皇之為貴然後歷掖庭適驪
館捐衰色從嫵婉促中堂之陋坐羽觴行而無算祕舞
更奏妙材騁伎妖蠱豔夫夏姬美聲暢於虞氏始徐進

而羸形似不任乎羅綺嚼清商而却轉增嬋娟以此旁
紛縱體而迅赴若鶩鶴之羣羣振朱履於盤樽奮長袖
之颺纚要紹修態麗服颺菁昭藐流眄一顧傾城展李
桑門誰能不營列爵十四競媚取榮盛衰無常惟愛所
丁衛后興於鬢髮飛燕寵於體輕爾乃逞志究欲窮身
極娛鑒戒唐詩他人是媼自君作故何禮之拘增昭儀
於媼好賢既公而又侯許趙氏以無上恩致董於有虞
王閔爭於坐側漢載安而不渝高祖創業繼體承基暫

勞永逸無為而治耽樂是從何慮何思多歷年所二百
餘莽徒以地沃野豐百物殷阜巖險周固衿帶易守得
之者強據之者久流長則難竭柢深則難朽故奢泰肆
情而馨烈彌茂鄙生生乎三百之外傳聞於未聞之者
曾髣髴其若夢未一隅之能睹此何異於殷人屢遷前
八而後五居相圯耿不常厥土盤庚作誥帥人以苦方
今聖上同天號於帝皇掩四海而為家富有之業莫我
大也徒恨不能以靡麗為國華獨儉嗇以齷齪忘蟋蟀

之謂何豈欲之而不能將能之而不欲歟蒙竊惑焉願聞所以辯之之說也

溫泉賦

前人

陽春之月百草萋萋余在遠行顧望有懷遂適驪山觀溫泉浴神井風中巒壯厥類之獨美思在化之所原感洪澤之普施乃為賦云

覽中域之珍恠兮無斯水之神靈控湯谷於瀛洲兮濯日月乎中營陰高山之比延處幽屏以間清於是殊方

跋涉駿奔來臻士女煜其鱗萃紛雜還其如烟亂曰天
地之德莫若生兮帝育烝民懿厥成兮六氣浮錯有疾
厲兮溫泉汨焉以流穢兮蠲除苛慝服中正兮熙哉帝
載保性命兮

西征賦

晉潘岳

歲次玄枵月旅蕤賓丙丁統日乙未御辰潘子憑軾西
征自京徂秦迺喟然嘆曰古往今來邈矣悠哉寥廓愔
恍化一氣而甄三才此三才者天地人道唯生與位謂

之大寶生有修短之命位有通塞之過鬼神莫能要聖
智弗能豫當休明之盛世託菲薄之陋質納旌弓於鉉
台讚庶績於帝室嗟鄙夫之常累固既得而患失無柳
季之直道佐士師而一點武皇忽其升遐八音遏於四
海天子寢於諒闇百官聽於冢宰彼負荷之殊重雖伊
周其猶殆窺七貴於漢庭疇一姓之或在無危明以安
位祇居逼以示專陷亂逆以受戮匪禍降之自天孔隨
時以行藏遽與國而舒卷苟蔽微以繆章患過辟之未

遠悟山潛之逸士卓長往而不反陋吾人之拘攣飄萍
浮而蓬轉察位偶其隆替名節濫以隳落危素卵之累
殼甚玄鷺之巢幕心戰懼以兢悚如臨深而履薄夕獲
歸於都外宵未中而難作匪擇木以棲集斲林焚而鳥
存遭千載之嘉會皇合德於乾坤弛秋霜之嚴威流春
澤之渥恩甄大義以明責反初服於私門皇覽揆余之
忠誠俄命余以末班牧疲人於西夏攜老幼而入關孔
去魯而顧歎季過沛而涕零伊故鄉之可懷疚聖達之

幽情矧匹夫之安土邈投身於鎬京猶犬馬之戀主竊
託慕於闕庭眷羣洛而掩涕思纏綿於墳塋爾乃越平
樂過街郵秣馬臯門稅駕西周遠矣姬德興自高辛思
文后稷厥初生民率西水滸化流岐幽祚隆昌發舊邦
維新旋牧野而歷茲愈守柔以執競夜申旦而不寐憂
天保之未定惟泰山其猶危祀八百而餘慶監亡王之
驕淫竄南巢以投命坐積薪以待然方指日而比盛人
度量之乖舛何相越之遼迴考土中於斯邑成建都而

營築既定鼎於郊鄆遂鑽龜而啟繇平失道而來遷繫
二國而是祐豈時王之無僻賴先哲以長懋望圉北之
兩門感號鄭之納惠討子頽之樂禍尤關西之効戾重
戮帶以定襄弘大順以霸世靈壅川以止鬪晉演義以
獻說咨景悼以迄丐政凌遲而彌季俾庶朝之構逆歷
兩王而干位踰十葉以逮赧邦分崩而為二竟橫噬於
虎口輸文武之神器澡孝水而濯纓嘉美名之在茲天
赤子於新安坎路側而瘞之亭有千秋之號子無七旬

之期雖勉勵於延吳實潛慟乎余慈眄山川以懷古悵
攬轡於中途虐項氏之肆暴坑降卒之無辜激秦人以
歸德成劉后之來蘇事回次而好還卒宗滅而身屠經
澠池而長想停余車而不進秦虎狼之彊國趙侵弱之
餘燼超入險而高會杖命世之英蘭恥東瑟之偏鼓提
西缶而接必辱十城之虛壽奄咸陽以取僞出申威於
河外何猛氣之咆勃入屈節於廉公若四體之無骨處
智勇之淵偉方鄙老之忿恚雖改日而易歲無等級以

寄言當光武之蒙塵致王誅於赤眉異奉辭以伐罪初
垂翅於回谿不尤肯以掩德終奮翼而高揮建佐命之
元勲振皇綱而更維登峻坂之威夷仰崇嶺之嵯峨臯
託墳於南陵文違風於北阿蹇哭孟以審敗襄墨緣以
授戈曾隻輪之不反縶三帥以濟河值庸主之矜愎殆
肆叔於朝市任好綽其餘裕獨引過以歸已明三敗而
不黜卒陵晉以雪恥豈虛名之可立良致霸其有以降
曲轂而憐號託與國於亡虞貪誘賂以賣鄰不及臘而

就拘垂棘反於故府屈產服於晉興德不建而民無援
仲雍之祀忽諸我徂安陽言陟陝鄂行乎漫瀆之口憩
乎曹陽之墟美哉邈乎茲土之舊也固乃周名之所分
二南之所交麟趾信於闕雎騶虞應乎鵲巢愍漢氏之
剥亂朝流亡以離析卓滔天以大滌劫宮廟而遷迹俾
萬乘之盛尊降遙思於征役顧請旋於僊祀既獲許而
中惕追皇駕而驟戰望玉輅而縱鎬痛百寮之勤王咸
畢力以致死分身首於鋒刃洞胸腋以流矢有褰裳以

投岸或攘袂以赴水傷桴楫之褊小撮舟中而掬指升
曲沃而惆悵惜兆亂而兄替枝末大而本披都耦國而
禍結臧札飄其高厲委曹吳而成節何莊武之無恥徒
利開而義閉躡函谷之重阻看天險之衿帶迹諸侯之
勇怯筭嬴氏之利害或開關以延敵競遯逃以奔竄有
噤門而莫啓不窺兵於山外連鷄互而不栖小國合而
成大豈地勢之安危信人事之否泰漢六葉而拓畿縣
弘農而遠闕厭紫極之閑敞甘微行以遊盤長傲賓於

柏谷妻睹貌而獻餐疇匹婦其已泰胡厥夫之繆官昔
明王之巡幸固清道而後往懼銜檠之或變峻徒御以
誅賞彼白龍之魚服挂豫且之密網輕帝重於天下奚
斯漸之可長弔戾園於湖邑諒遭世之巫蠱探隱伏於
難明委讒賊之趙虜加顯戮於儲貳絕肌膚而不顧作
歸來之悲臺徒望思其何補紛吾既邁此全節兮又繼
之以盤桓問休牛之故林感徵名於桃園發閭鄉而警
策愬黃巷以濟潼眺華岳之陰崖覲高掌之遺蹤憶江

使之反壁告亡期於祖龍不語怪以徵異我聞之於孔
公愠韓馬之大憝阻關谷以稱亂魏武赫以霆震奉義
辭以伐叛彼雖衆其焉用故制勝於廟筭殫揚桴以振
塵繡瓦解而冰泮超遂遁而奔狄甲卒化為京觀倦狹
路之迫隘軌踦距以低仰蹈秦郊而始闢豁爽塏以宏
壯黃壤千里沃野彌望華實紛敷桑麻條暢邪界褒斜
右濱沂隴寶難前鳴甘泉後湧面終南而背雲陽跨平
原而連嵒冢九峻嶺薛太乙巖嵒吐清風之颼戾納歸

雲之鬱翳南有元灞素滹湯井溫谷北有清渭濁涇蘭
池周曲浸決鄭白之渠漕引淮海之粟林茂有鄠之竹
山挺藍田之玉班述陸海珍藏張叙神臯隩區此西賓
所以言於東主安處所以聽於憑虛也可不謂然乎勁
松彰於歲寒貞臣見於國危入鄭都而抵掌義桓友之
忠規端股肱於昏主赴塗炭而不移世善職於司徒緇
衣敝而改為履犬戎之侵地疾幽后之詭惑舉僞烽以
沮衆淫嬖褒以縱慝軍敗戲水之上身死驪山之北赫

赫宗周滅為亡國又有繼於此者異哉秦始皇之為君也傾天下以厚葬自開闢而未聞匠人勞而弗圖俾生埋以報勤外罹西楚之禍內受牧豎之焚語曰行無禮必自及此非其效歟乾坤以有親可久君子以厚德載物觀夫漢高之興也非徒聰明神武豁達大度而已也乃實慎終追舊篤誠款愛澤靡不漸恩無不逮率土且猶不遺而況於鄰里乎況於鄉士乎于斯時也乃摹寫舊豐制造新邑故社易置粉榆遷立街衢如一庭宇相

襲渾雞犬而亂放各識家而競入籍含怒於鴻門沛跼
躋而來王范謀害而弗許陰受劍以約莊搆白刃以萬
舞危冬葉之待霜履虎尾而不噬實要伯於子房樊抗
憤以卮酒咀彘肩以激揚忽蛇變而龍攄雄霸上而高
驤增遷怒而橫撞碎玉斗其何傷嬰胃組於軹途投素
車而肉袒疎飲餞於東都畏極位之盛滿金墉鬱其萬
雉峻嶢峭以繩直戾飲馬之陽橋踐宣平之清閭都中
雜遝戶千人億華夷士女駢闐偪側展名京之初儀即

新館而莅職勵疲鈍以臨朝最自強而不息於是孟秋
爰謝聽覽餘日巡省農功周行廬室街里蕭條邑居散
逸營宇寺署肆廛管庫最茂於城隅者百不處一所謂
尚冠修成黃棘宣明建陽昌陰北煥南平皆夷漫滌蕩
亡其處而有其名爾乃階長樂登未央汎太液凌建章
縈馭娑而款駘盪輔紆詣而轢承先徘徊桂宮惆悵栢
梁驚雉雉於臺陂狐兔窟於殿傍何黍苗之離離而余
思之芒芒洪鐘頓於毀廟乘風廢而弗懸禁省鞠為茂

草金狄遷於霸川懷夫蕭曹魏丙之相辛李衛霍之將
銜使則蘇屬國震遠則張博望教敷而犇倫叙兵舉而
皇威暢臨危而智勇奮投命而高節亮暨乎稅侯之忠
孝淳深陸賈之優游宴喜長卿淵雲之文子長政駿之
史趙張三王之尹京定國釋之之聽理汲長孺之正直
鄭當時之推士終童山東之英妙賈生洛陽之才子飛
翠綏拖鳴玉以出入禁門者衆矣或被髮左袵奮迅泥
滓或從容傳會望表知裏或著顯績而嬰時戮或有大

才而無貴仕皆揚清風於上烈垂令聞而不已想珮聲
之遺響若鏗鏘之在耳當音鳳恭顯之任勢也乃薰灼
四方震耀都鄙而死之日曾不得與夫十餘公之徒隸
齒才難不其然乎望漸臺而扼腕梟巨猾而餘怒揖不
疑於北闕軼檣里於武庫酒池鑒於商辛追覆車而弗
悟曲陽僭於白虎化奢侈而無度命有始而必終孰長
生而久視武雄略其焉在近惑文成而溺五利倖造化
以制作窮山海之奧秘靈若翔於神島奔鯨浪而失水

曝鱗豁於漫沙隕明月以雙墜擢仙掌以承露干雲漢
而上至致邛蒟其奚難惟余欲而是恣縱逸游於角觝
絡甲乙以珠翠忍生民之減半勒東嶽以虛美超長懷
以遐念若循環之無賜較面朝之煥炳次後庭之猗靡
壯當熊之忠勇深辭輦之明智衛鬢髮以先鑒趙輕體
之纖麗咸善立而聲流亦寵極而禍侈津便門以右轉
究吾境之所暨掩細柳而撫劔快孝文之命帥周受命
以忘身明戎政之果毅距華蓋於壘和按乘輿之尊轡

肅天威之臨顏率軍禮以長擡輕棘霸之兒戲重條侯之倨貴索杜郵其馬在云孝里之前號憫輟駕而容與哀武安以興悼爭伐趙以徇國定廟筭之勝負扞矢言而弗納反推怨以歸咎未十里於遷路尋賜劍以刎首嗟主闇而臣嫉禍於何而不有窺秦墟於渭城冀闕緬其堙盡覓陞殿之餘基裁峻屹以隱轡想趙使之抱壁瀏睨楹以抗憤燕圖窮而荆發紛絕袖而自引筑聲厲而高奮狙潛鉉以脫臚據天位其若茲亦狼狽而可愍

簡良人以自輔謂斯忠而執賢寄苛制於捐灰矯扶蘇
於朔邊儒林填於坑穽詩書煬而為煙國滅亡以斷後
身刑輟以啓前商法焉得以宿黃犬何可復牽野蒲變
而成脯苑鹿化以為馬假讒逆以天權鉗衆口而寄坐
兵在頸而顧問何不早而告我願黔黎其誰聽惟請死
而獲可逮子嬰之果決敢討賊以紓禍勢土崩而莫振
作降王於路左蕭收圖以相劉料險易與衆寡羽天與
而弗取冠沐猴而縱火貫三光而洞九泉曾未足以喻

其高下也感市閭之散井歎尸韓之舊處丞屬號而守
闕人百身以納贖豈生命之易投誠惠愛之治著訐望
之以求直亦余心之所惡思夫人之政術實幹時之良
具苟明法以釋憾不愛才以成務弘大體以高貴非所
望於蕭傅造長山而慷慨偉龍顏之英主胸中豁其洞
開羣善奏而必舉存威格乎天區亡墳掘而莫禦臨揜
坎而累抃步毀垣以延佇越安陵而無譏諒惠聲之寂
寞弔爰絲之正議伏梁劒於東郭訊景皇於陽丘奚信

譖而矜譴隕吳嗣於局下蓋發怒於一博成七國之稱
亂翻助逆以誅錯恨過聽而無討茲沮善而勸惡咎考
元於渭瑩執奄尹以明貶褒夫君之善行廢園邑以崇
儉過延門而責成忠何辜而為戮陷社稷之王章俾幽
死而莫鞠怵淫嬖之凶忍勦皇統之孕育張舅氏之姦
漸貽漢宗以傾覆刺哀主於義域僭天爵於高安欲法
堯而承羞永終古而不刊瞰康園之孤墳悲平后之專
潔殃厥父之篡逆蒙漢恥而不雪激義誠而引決赴丹

燭以明節投宮火而焦糜從灰燼而俱滅驚橫橋而旋軫歷敝邑之南垂門磁石而梁木蘭兮構阿房之屈竒疏南山以表闕倬樊川以激池役鬼傭其猶否矧人力之所為工徒斲而未息義兵紛以交馳宗祧汚而為治豈斯宇之獨隳由僞新之九廟夸宗虞而祖黃驅吁嗟而妖臨搜佞哀以拜郎誦六藝以飾姦焚詩書而面牆心不則於德義雖異術而同亡宗孝宣於樂遊紹衰緒以中興不獲事於敬養盡加隆於園陵兆惟奉明邑號

千人訊諸故老造自帝詢隱王母之非命縱聲樂以娛
神雖靡率於舊典亦觀過而知仁憑高望之陽隈體川
陸之污隆開襟乎清暑之館游目乎五柞之宮交渠引
漕激湍生風乃有昆明池乎其中其池則湯湯汗汗滉
瀾瀾漫浩如河漢日月麗天出入乎東西旦似暘谷夕
類虞淵昔豫章之名宇披元流而特起儀景星於天漢
列牛女以雙峙圖萬載而不傾奄摧落於十紀擢百尋
之層觀令數仞之餘址振鷺于飛鳬躍鴻漸乘雲頡頏

隨波澹淡瀾，驚波唼唼菱。芡華蓮爛於淥沼，青蕃蔚
乎翠潏。伊茲池之肇穿，肆水戰於荒服。志勤遠以極武，
良無要於後福。而菜蔬芣實，水物惟錯。乃有瞻乎原陸，
在皇代而物土故毀之。而又復凡厥寮司，既富而教咸
帥。貧情同整，櫟權收。呂課獲引，繳舉效鰥。夫有室愁民
以樂，徒觀其鼓。柁迴輪灑，釣投網垂。餌出入挺，义來往
纖絰連白。鳴榔厲響，貫鰓。尾掣三牽，兩於是弛。青鯤
於網，鉅解頰鯉於黏。微華魴躍，鱗素鱖揚。鬐雍人縷切

寫刀若飛應及落俎霍霍霏霏紅鮮紛其初載賓旅疎
而遲御既餐服以屬厭泊恬靜以無欲迴小人之腹爲
君子之慮爾乃端策拂茵彈冠振衣徘徊豐鎬如渴如
饑心翹竢以仰止不加敬而自祇豈三聖之敢夢竊十
亂之或希經始靈臺成之不日惟豐及鄩仍京其室庶
人子來神降之吉積德延祚莫二其一永惟此邦云誰
之識越可略聞而難臻其極子羸鋤以借父訓秦法而
著色耕讓畔以閑田沾姬化而生棘蘇張喜而詐騁虞

芮愧而訟息由此觀之士無常俗而教有定式上之遷
下猶均之埏埴五方雜會風流涵清情農好利不昏作
勞密爾獫狁戎馬生郊而制者必割實存操刀人之升
降與政隆替仗信則莫不用情無欲則賞之不竊雖智
弗能理明弗能察信此心也庶免夫戾如其禮樂以俟
來哲

華林園馬射賦

并序

北周
庾信

堯以仲春之月刻玉而遊河舜以甲子之朝披圖而

巡洛夏后瑤臺之上或御二龍周王玄圃之前猶驂
八駿我大周之創業也南正司天北正司地平九黎
之亂定三危之罪雲紀御官鳥司從職皇王有秉歷
之符玄珪有成功之瑞豈直天地合德日月光華而
已哉皇帝以上聖之姿膺下武之運通乾象之靈啓
神明之德夷典秩宗見之三禮夔為樂正聞之九成
克已備於禮容威風總於戎政加以卑躬菲食皂帳
緇衣百姓為心四海為念西郊不雨即動皇情東作

未登彌迴天眷兵革無會非有待於丹鳥宮觀不移
故無勞於白燕銀甕金船山車澤馬豈止竹葦兩草
共垂甘露青赤二氣同為景星雕題鑿齒識海水而
來王烏弋黃支驗東風而受吏於時玄鳥司曆蒼龍
御行羔獻冰開桐花萍合皇帝幸於華林之園玉衡
正而泰階平閭闔開而勾陳轉千軍雷動萬騎雲屯
落花與芝蓋同飛楊柳共春旗一色乃命羣臣陳大
射之禮雖行袂襖之飲即同春蒐之儀止立行宮裁

舒帳殿階無玉壁既異河間之碑戶不金鋪殊非許
昌之賦洞庭既張承雲乃奏騶虞九節狸首七章正
飾五彩之雲壺寧百福之酒唐弓九合冬幹春膠夏
箭三成青莖赤羽於是選朱汗之馬校黃金之埒紅
陽飛鵲紫燕晨風唐成公之驕驕海西侯之千里莫
不飲羽銜竿吟猿落鴈鐘鼓震地埃塵漲天酒以疊
行餽由鼎進彩則錦市俱移錢則銅山合徙太史聽
鼓而論功司馬張旃而賞獲上則雲布雨施下則山

藏海納寔天下之至樂景福之歡欣者也既而若木
將低金波欲上天顏惟穆賓歌惟醉雖復暫離北闕
聊晏西城即同鄴水之朝更是岐山之會小臣不舉
奉詔為文以管窺天以蠡酌海盛德形容豈陳梗概
歲次昭陽月在大梁其日上巳其時少陽春史司職青
祇效祥徵萬騎於平樂開千門於建章屬車醴酒複道
焚香皇帝翊四圍於帝閑迴六龍於天苑對宣曲之平
林望甘泉之長坂華蓋平飛風鳥細轉路直城遙林長

騎遠帷宮宿設帳殿開筵傍臨細柳斜界祈年開鶴列
之陣靡魚鬚之旃行漏抱刻前旌載鳶河湄薙草渭口
澆泉翊雲五色的暈重圓陽管既調春絃實撫總章協
律成均樹羽翔鳳為林靈芝為圃草銜長帶桐垂細乳
鳥嚙歌來花濃雪聚玉律調鐘金鐔節鼓於是咀銜拉
鐵逐日追風并試長楸之埒俱下蘭池之宮鳴鞭則汗
潏入埒則塵紅既觀賢於大射乃頒政於司弓變三驅
而畫鹿登百尺而懸熊繁弱振地鐵驪踏空禮正六耦

詩歌九節七札俱穿五紕同穴弓如明月對棚馬似浮
雲向埒雁失羣而行斷猿求林而路絕控玉勒而搖星
跨金鞍而動月乃有六郡良家五陵豪選新迴馬邑之
兵始罷龍城之戰將軍戎服來叅武讌尚帶流星猶乘
奔電始聽鼓而唱籌即移竿而標箭馬噴沾衣塵驚灑
面石堰水而澆園花乘風而繞殿熊耳刻杯飛雲畫壘
水衡之錢山積織室之錦霞開司筵賞至酒正杯來至
樂則賢乎秋水歡笑則勝上春臺既而日下澤宮筵闌

相圓悵徙蹕之留歡眷迴鑒之餘舞欲使石梁銜箭銅
山飲羽橫弧於楚水之蛟飛鏃於吳亭之虎況復恭已
無為南風在斯非有心於蜚翼豈留情於戟枝唯觀揖
讓之禮蓋取威雄之儀

靈囿賦

唐
徐元弼

代間秦餘地仍周舊俯皇都之近域有文王之古囿遙
縈林麓之表遠抱川原之秀沼莫辨於窮流臺靡遺於
層構往往歸鳥依依顧獸逢時之慶雖鍾思古之懷亦

疾當昔周德資始靈臺是新繚以斯囿洽其至仁使芻
牧畢入而獮狝皆馴目以靈知感通於異類大其囿見
惠洽於蒸人固以垂耿光本亭育無私公共而有俟勿
亟子來而以築不麋不卵仁叶於羽毛以薪以蒸惠昭
於郊牧覆露功博誠明感深遂天性於物性即人心於
己心白鳥不驚匪觀於狎物非熊已兆奚事於從禽嗟
乎遺址全平餘風可挹想千古之蹤未昧歎三代之英
不及猶欲恣窺臨淹佇立微茫似隔乎煙水邈迤半臨

於井邑見魚躍想坎窞於泉流聞鹿鳴訪陂池於原隰
竟以陰壑蕭條荒榛寂寥無人試問有路通樵悵望風
煙之景沈吟黍稷之苗令國家以榮古為心宗周是繼
且欲儲休祉降嘉惠園苑資靈囿之規宮室擬靈臺之
制是以愛物之誠溥好生之德均仁政潛施於上苑之
內靈德已播於率土之濱然簡闕遊於暇日縱芻詞於
賤臣稽制度於盛王百里猶小嗣風流於前古千載為

隣

掌上蓮峰賦

呂令問

衆山邈迤曾何足仰未若太華崑崙為之長削成三峰壁立千丈伊昔太虛結而為山伊昔巨靈拓而為掌擘開玄象崛起原壤當少陰而德合秋成據丁酉而氣涵金爽深沈其色齒苔其狀雲霞不映而其勢彌雄塵露將裨而其高靡讓掌形仙蹠石容天狀雖造次於自然若鐫磨於意匠晦夕霧而羣峰乍隱煦朝陽而衆壑相向繇是考圖籍高為四嶽之先盼靈奇勢出九天之上若

乃雲搖羽蓋鶴挂飛泉危峰並吐巨掌高懸異蓬萊之
黿泛海若崑崙之柱承天清露將零小為盤而仰漢陽
烏假道疑拂日之孤蓮不但子先之霓裳時見羊公之
石榻仍全况乎運啓皇家應河源而降望豈比詩歌周
德美嵩甫之生賢者哉既而嵐氣霽媚煙光晚濃林巒
一色岫壑千重相清虛而可睹嘆攀陟兮無從歌曰苔
生滑兮石無蹤道不可得僊不可逢倘賜一丸生羽翼
願輕舉於三峰

駕幸華清宮賦

韓休

惟我皇御宇兮法象乾坤天步順動兮行幸斯存雨師
灑路兮九門洞啓千旗火生兮萬乘雷奔紫雲霏微隨
六龍而欲散還聚白日照耀候一人兮當寒却溫蓋上
豫遊以叶運豈伊沐浴而足論若乃壯騎殿後鈎陳啓
前度靈沼而魚不在藻出青門而龍見在田霜戟森森
以星布玉輅迢迢而天旋聲明動野文物藻川月落鳳
城已涉於元灞日生暘谷俄屆於甘泉於登三休兮憩

神轡朝百辟兮禮容備玉堂憑良面鵲野以高明石溜
象蒙遶龍宮之清晏處無為兮既端拱時或濯兮湯泉
湧聖躬清兮聖德廣四目明兮四聰朗與元氣之氛氲
如晴空之滌蕩觀夫巍峩宮闕隱映煙霞盤薄鳥道經
迴日車路臨八水砌比萬家樓觀排空時既知於降聖
忠良在位諒勿疑於去邪儒有鵬無翼風有搏每俟命
以居易尚愧身於才難觀國光以舉踵歷清華而展歡
不賡歌以忭舞夫何足以自安乃為歌曰素秋歸兮元

冬早王是時兮出西鎬幸清華兮順天道瓊樓駕虛兮
靈仙保長生殿前兮樹難老甘液流兮聖躬可藻俾吾
皇兮億千壽考

灞橋賦

王昌齡

聖人以美利利天下作舟車禹乃開鑿百川紆餘舟不
可以無水水不可以通輿遂各麗於所得非其安而不
居橫浮梁於極浦會有跡於通墟借如經綸淮海陶鼓
仁義藏用於密動物以智每因宜以制模則永代而取

寄伊津梁之不設信要荒之莫致思未濟於中流視安
危之如戲故可取於古今豈徒閱千乘與萬騎惟梁于
灞惟灞於源當秦地之衝口東東衝之走轅拖偃蹇以
橫曳若長虹之未飜隘騰逐而水急忽須臾而聽繁雖
曰其繁潰而不雜懷壁拔劍披離屯合當遊役之嗷嗷
自洪波之納納客有居於東陵者接行埃之餘氛薄暮
垂釣平明去耘傍連古木遠帶清瀆昏曉一望還如陣
雲乃臨川而嘆曰亡周霸秦舉目遺址前車覆軌不變

流水嘆往事之誠非得茲橋之信美皇風不競佳氣常
依既東幸而清道每西臨以駐旂連袂挾轂烟闌雨飛
嗟乎此橋且悅明盛徒結綢於川隅視雲霞之暉映聊
倚柱以嘆息敢書橋以承命

花萼樓賦

并序

高蓋

開元中歲天子築宮於長安東郭有以眷夫代邸之
義舊者中宮起樓臨瞰於外乃以花萼相輝為名蓋
所以敦友悌之義也銀榜天題金扉御闕俯盡一國

旁分萬里崇崇乎實帝城之壯觀也詞曰

惟唐六代盛德被於幽遐彌元都暨丹穴掩扶海與流
沙莫不推福祚之攸永極威靈之所加敦本既同夫義
軒之日睦親又比乎棠棣之花裂土苴茅以表慶錫珪
分瑞以聯華信可以受無窮之祉而保乂我皇家者哉
迺命有司濬池隍繕城郭將崇大壯之義載考方中之
作繚垣牆周乎舊宮設井幹而為新閣既準既繩以揆
以度望馳道而通禁林走建章而抵長樂攢畫拱以交

映列綺窻以相薄金鋪搖吹以玲瓏珠綴含煙而錯落
飾以粉繪塗之丹雘飛梁迴達於虹光藻井倒垂乎蓮
萼信神明之保護亦列仙之憑託於是乘輿乃登夫翠
輦而建華旒鈎陳警道兮環衛周命期門使按蹕將有
事乎娛遊六龍驤首以啟路八駿騰光而夾輶且肅肅
以穆穆幸夫花萼之樓然後層軒四敞聖情周顧遙窺
函谷之雲近識昆池之樹綠野初霽分渭北之川原青
門洞開覽山東之貢賦亦以崇友悌之德勸農桑之務

豈止唯臨鄆杜之郊空指邯鄲之路而已哉且壯麗難
匹光華匪一馮禁掖以孤明隱垂楊而半出赫眈眈以
弘敞肅隱隱而靜謐非匠氏之奇工梓人之妙術孰能
至於是哉歲如何其歲之首花萼樓兮對仙酒願比華
封兮祝我聖君千萬壽歲如何其歲始正花萼樓兮開
御營願同吉甫兮頌我聖君億載聲

含元殿賦

李華

維皇高祖

一作宗

穆端命於元穹萬有千歲鍾景祚於洪

裔建北宮之尊嚴上取治於天帝乃圖正殿之適居規
崇山而定制信神明幽贊而人謀襲契不然何前王曠
此之雄麗也先是大司空帥其屬執度而相之曰美哉
川原驚乎其大哉垣坤靈兮配乾剛坤順乾而為龍舒
廣衍兮走羣山紛却面而朝宗陵正陽之奕奕鬱佳氣
之葱葱蓋昊天之作而黃祇授元聖獲以造新宮也乃
審於龜筮龜筮協從太卜以告神人咸同皇曰欽哉是
將宜於朕躬因以鴻稱含元建名易乾坤之說曰含弘

光大又曰元亨利貞括萬象以為尊特巍巍乎上京則
命徵盤石之匠下荆揚之材操斧執斤者萬人涉磧磔
而登崔嵬擇一榦於千木規大壯於喬枚聲坎坎於青
雲若神蹕而顛摧勢動連崖拉風掣雷倒勁梢於窮谷
斬巨柢於昭回時也山祇效靈波神作氣為桴為楫羽
壘鱗萃朝沈江漢夕出河渭雲奔山橫交積於作宮之
地於是農事既收靈臺勿亟子來而就役者周邦畿而
薄四海咸忘勞而獻力乃張為廣庭考正極星邦伯是

經國工研精剗盤岡以為址太階積而三重因博厚而
順高明築陵天之四墉四墉既列大階如截下上相欽
愕視沈沈其始也星鎚電交於萬堵霜鋸冰解於千尋
擁材為山攢杵如林乃占日月之吉以成帝室虹梁勁於
中極棖桷殲以礫密析姑繇以為楹隳喬山以為礧飛
重檐以切霞炯素壁以留日神標峻橘鬼疊層楣高卑
迭作尋尺相持木從繩而後正棟操宇而不危陞瑩冰
級瓦敷鱗差蕩晶景而升降歛暎皆以交輝聳大廈之

奇傑勢將頓而復飛爰詔有司練日推時徵考室於周
頌會公卿以落之丕赫哉如俯如跂若合若離森脩邃
以窅微恍爰業而巖巍謂衝飈激海兮漩奩淪以無底
奔雷觸山兮掉巘寧而傾殷石鮫拖一作拍首於堂廡狀

出雲而撐髻嵩高之制靈丘上盤隣斗極之光耀邇天
漢之波瀾密鑿枘之吞吐吸山藂而水攢建升龍之大
旆邈不至於階端崢嶸孱顏下視南山照燭無間七耀
迴環咸欽赫以突兀攄閎弘以蕭撤捧帝座於三辰衝

天街於九達進而仰之騫龍首而張鳳翼退而瞻之岌
樹顛而崒雲末嶷兮峩峩巨鼇載仙山而出滄波劃兮
煌煌燭龍折穹穴而臨北方排層城而廓帝居豁閭闔
而面蒼蒼左翔鸞而右棲鳳翹兩闕而為翼環阿閣以
周墀象龍行之曲直夾雙壺以鴻洞啓重閨之呀艷趨
堂塗而未半望宸居而累息惟上聖之欽明爰聽政而
崇德去雕璣與金玉紕漢京之文飾熾丹雘於麥薈抗
重霄而競色若乃紫微晨暄彤墀夜明雲薄萬拱風交

四榮冬止其陽則釋裘而燠夏休其陰則捐絃以清旂
獵風而振響葉墜露而成聲懸櫺駢湊竦柱奔列複檻
曾綴高牕景爇駢翳日而罽連矐天開而中絕形持神
而欲離足僂步而將跌貯昭訓之崇崇瞡光範之揭揭
其南則丹鳳啓途遐矚荆吳十扇開閉陰陽睢盱容鼎
九扈方駕五車示王者之無外不樹屏於清都望仙闕
於巽維建福敞於坤隅偃朱旗而橐元甲屯仡仡之驍
夫其後則深闈祕殿曷宇疎楹瑞木交陰玄墀砥平鮮

風歷廡凌霰飄英蔭藹武闈增華穆清玉燭內融則嘉
盛豐備太陽臨照而天下文明古有六寢御茲一人今
也三朝繇古是因布大命於宣政澹元心於紫宸義和
弭節於通乾望舒停景於觀象密勿旒宸臣人是仰左
黃閣而右紫微命伊臯以為長其下則鵬冠魚服良家
茂族厲禁非宜金吾領之其前則置兩石以卹刑張三
侯以興武告善之旌登聞之鼓節畧漏於鍾律架危樓
之筍虞以辨內外之差以正東西之序天光流於紫庭

倒影入於朱戶騰祥雲之郁靄映旭日之蔥蘢清渠導
於元氣玉樹生於景風平坦數里徘徊無窮羅千乘與
萬騎曾不得半乎其中厥初經營天下既乂文物未周
孤其壯麗蓋重於施勞非不懷也乃眷睿孫睿孫開元
萬物晏清而大和掩書契之所論既克廣於崇構聲明
備而益尊蓋聖皇之孝也輝焯變化兮動搖乾坤其東
於是弘文教而開館對日華之清閭蓋左學之遺制協
前王之講德其西於是延載筆之良史俯月華之峻扉

集賢人於別殿朝命婦於中闈王風闡而成化陰教備而不虧加以詠周詩而展親睦魯衛而敦叙因合族而來晏置更衣之豐宇至於殿內諸曹則左右有局通軒並廡物有恒司供無廢舉又有銀璫珥貂寺人巷伯奉宣出納之令更踐宮中之役熊羆之旅董以龍武矛戟森森材官羽林聲破丘山氣讐飛沈爪挾千鈞跟騰百尋克壯皇威協比其心其外則校人掌馬天駟在閑以備順遊放牧其間望我鑾和陟彼高山猶慮憲章或遺

國容未備乃立掌匭之司館通事之吏職在達下情於上天儆王言於有位塽通太極澄指龍池重門內注複道潛移幽峻肅以相屬先彤融以熺熺懸象著明帝座維三皇居設位俯察仰叅翼室正中游宮次南北起含光其容耽耽總而言之如山之壽則曰蓬萊如日之昇則曰大明自茲而北燕遊所經達於苑囿不可殫名周廬更呵匝以環衛南端百仞上極霄際却視甃崙經途廣深繚以層城默為重陰至若時雨膏田九農悵暢雲

歸山穴儵以昭曠白日麗於宮隅混晶光而益壯於是
風師斂威纖埃不升穎絕搖芒葉無翻稜自中徂外鏡
洗川澄弦直閭閉井畫溝塍靡迤秦山陂陀漢陵知稼
穡之艱難見皇王之廢興及乎元冥戒寒海神飛雪瑤
城粉野琪樹森列玉宇璇堦雲門露闕天華爽霽朗日
朝徹赤旌降庭朱柱艷月仰白帝而金精開據河宮而
銀燭發其或遠方不至帝用興戎降元帥於天上發神
謀於禁中皇靈震耀殄厥渠凶矯矯武臣此焉獻功操

俘馘以陳器械恢莫大之威容爾乃時殷仲冬日正南至上公奉瑋羣后在位一人壽昌萬國承賜式燕以樂欣欣具醉乃撞宮懸硃碣天地及乎獻歲元辰東風發春懸法象魏與人惟新儼文物於王庭兼九伐而宿陳威儀之嚴嶽嶽振振若太一披網緼而俯百神既而咸造勿褻會朝清明璿柄指寅寢闡發扃皇帝御袞龍之法服佩蒼璧之純精執鎮珪導朱紘降輦登階微聞玉聲於是典禮之官贊王就位南面穆然至君甸侯采衛

要荒閩貊輸其方賫圖不來格統以千官六卿二伯司
儀叙進象胥重譯肅肅委皮乾乾奠璧設以庭燎天烘
地赫雷鼓殷殷朱干玉戚神簾如生熊羆愕眙危昂歆
向歆爛歆射金根玉輅太常少伯火烈門旂霜交陸戟
乃進元元以觀禮琕億兆之增增金吾南首麾之以肱
遞攀援而聳仰齊屢企而冠騰太史來告卿雲勃興灑
豐澤於生人答上元之休徵申命司寇緩刑冢卿降德
秩山川而問耆老周雨露而均邦國華戎竭歡喜氣闐

塞揭金鷄於太清炫晨光於正色慶忻之聲不踰晨而
雷四域當斯時也驅周驟漢於廓煥爛王臨於朝天地
貞觀靈宮巖巖上下交贊蓋所以法乾道而遵帝度豈
惟安體而明威者哉夫瑤臺之美不可以刑萬國土堦
之陋不可以儀天下奢不遜而儉固久執中於大位洪
範曰皇建其有極富哉上聖之宏議也詩歌楚室頌美
泮宮諸侯之事也雲夢甘泉宴談景福辟王之志也論
諸侯曷若以戴天子嘉辟王曷若以尊聖人烈烈盛唐

祖武宗文五帝赧德六王慚勛而政本乎慈用過乎儉
夫蒼生所奉者惟君所愛者惟親寧有君親宅體於卑
室而臣子得安其身乎故有熊明庭帝堯總期從人欲
也天垂定星易有大壯君人法焉聖朝猶斥其華而憑
其質今為是殿也惟鐵石丹素無加飾焉身居元眇心
與萬姓同猷畝之勞以是臨衆何衆不賓以是亨神何
神不若雖欲宮崑崙而館不周城八極而隍四海猶未
足儲鴻猷而俯丕耀豈咸鎬一京之所能極哉策四瀆

之前歲勅懷鉛之小臣俾讎書於禁中正百代之遺文
由是循環天造耳目日新敢頌成功告於神明無媿斯
干之什式昭聖德之容頌曰帝作含元含元言言萃若
日觀呀為天門太階三層遠法崑崙鎮茲秦野揭以周
原烈文祖宗永錫孝孫孝孫有慶于以施令奄旬萬姓
受天休命歌之頌之管磬宜之穆穆皇君壽考無期既
成斯文客有勸之上者對曰前王之宏祥詭瑞乃聖朝
之細事今休徵已厭於聰明頌聲亦飫於天意夫私歌

竊忭乃臣子之常志又焉足以薦聞哉客曰不然今至尊明發不寐永懷先皇周文之孝也克恭克讓光溢海內堯帝之謙也自即位以來上下之休嘉臣人之詠歌歌於睿躬則固辭頌於宗廟則無數今吾子之文昭乎累聖之耿光美於大君之孝德可進而退宜言而默使雅頌之音卷而不舒猶坦蕩其胸臆無乃過歟為人之下者有可達乎君親雖濱於死亦冒行之况宗廟或啓其心乎臣華嘗聞遷善之規願附升歌之末

北斗城賦

崔鎮

昔炎漢之開國宅咸秦而設規闡都邑之壯麗紛制作
而多儀像蓬島以疏岳擬天河而鑿池館倚南山擢雲
霞而上出城侔北斗仰星漢而曾披何爽鳩之代謝駢
驪駟之運虧是以作之者不處居之者不為祚我神唐
丹青焜煌峻址雲矗曾譙錦章累牘壤以疊形凝皓粉
以飛光門結黃金之石檐施白壁之璫堞盤紆於曲檻
池徑復於圓塘城勢逶迤若台岑之隱映樓形宛轉似

崑崙之相望接千門之宮闕通八達之康莊既而鸞駕
西巡嚴扃晨啓羽衛咸集聲明克陳登睥睨以清夜聽
畢逋而候春儼雄戟以耀武振鷁行而拱辰夕沈煙雲
之色曉流車馬之塵引祥昭之爛漫吐佳氣而輪囷於
是歲發青道池隍煦早堞霧縈林岸風柔草暖懸寶以
彌藹飾崇隅之增好映春水之澄澄納朝陽之杲杲惟
壯勢之崢嶸達洪規而鎮京望浮雲之黑水對翔鳳之
丹楹配宗子之永固等皇家之不傾俯賓庭而贊義終

自惡其輕生

封西嶽賦并序

杜甫

上既封泰山之後三十年間車轍馬跡至於太原遷
於長安時或謁太廟祭南郊每歲孟冬巡幸溫泉而
已聖主以為王者之禮告厥成功止於岱宗可矣故
不肯到崆峒訪具茨驅八駿於崑崙親射蛟於江水
始為天子之能事壯觀焉爾況行在供給蕭然煩費
或至作歌有慚於從官誅求坐殺於長吏甚非主上

執元祖醇醲之道端拱御蒼生之意大哉聖哲垂萬
代則蓋上古之君皆用此也然臣甫愚竊以古者疆
場有常處贊見有常儀則備乎玉帛而財不匱乏矣
動乎車輿而人不愁痛矣雖東岱五嶽之長足以勒
崇岳鴻與山石無極伊太華最為難上至於封禪之
事獨軒轅氏得之夫七十二君罕能兼之矣其餘或
蹶踣風雲碑板祠廟終么麼不足追數今聖主功格
軒轅氏業纂七十君風雨所及日月所照莫不砥礪

華近甸也其可忽乎比歲鴻生巨儒之徒誦古史引
時義云國家土德與黃帝合主上本命與金天合而
守闕者亦百數天子寢不報蓋謙如也頃或詔厥郡
國掃除曾巔雖翠蓋可薄乎蒼穹而銀字未藏於金
氣臣甫誠薄劣不勝區區吟詠之極故作封西嶽賦
以勸賦之義預述上將展禮焚柴者實覲聖意因有
感動焉為其詞曰

惟時孟冬百工乃休上將陟西嶽覽八荒御白帝之都

見金天之王既刊石乎岱宗又合符乎軒皇茲事體大
越不可載已先是禮官草具其儀各有典司俯叶吉日
欽若神祇而千乘萬騎已蟻略伯儼屈矯陸離唯君所
之然後拭翠鳳之駕開日月之旗撞鳴鐘發雷輜辨格
澤之修竿決河漢之淋漓殲天狼之威弧墜魍魎之霏
霏赤松前驅彭祖後馳方明夾轂昌寓侍衣山靈秉鉞
而踉蹌海若護蹕而參差風馭冉以縱轡雲螭縈而遲
跼地軸軋軋殷以下折原隰草木儼而東飛岐梁閃倏

涇渭反覆而天府載萬侯之玉尚方具左纛黃屋已焜
煌於山足矣乘輿尚鳴鸞輿儲精澹慮華蓋之大角低
回北斗之七星皆去屆蒼山而信宿屯絕壁之清曙既
臻夫陰宮屏象碑兀戈鋌憲宰飄飄蕭蕭洶洶如也於
是大乙抱式玄冥司直天子迺宿被齋就登陟駢素虬
超翦劣天語秘而不可知代欲聞而不可得柴燎上達
神光充塞泥金乎蕤蓄之南刻石乎清冥之北上意由
是茫然延降天老與之相識問太微之所居稽上帝之

遺則颯弭節以徘徊撫八絃而黠黑忽風飈而景倒澹
殊狀而異色同若褰祛開帷下辨宸極者久之雲氣翳
以迴復山嘑業而未息祀事孔明有嚴有翼神保是格
時萬時億爾乃駐飛龍之秋秋詔王屬以中休觀羣后
於高掌之下張大樂於洪河之洲芬樹羽林莽不可收
千人舞萬人謳麒麟跋跋而在郊鳳皇蔚跋而來遊雷
公伐鼓而揮汗地祇被震而悲愁樂師拊石而具發激
越乎遐陬羣山為之相峽萬穴為之倒流又不可得載

已久而景移樂闕上悠然垂思曰嗟乎余昔歲封泰山
禪梁父以爲王者成功已纂終古嘗鑒前史至於周穆
漢武豫遊寥闊亦所不取惟此西嶽作鎮三輔非無意
乎頃者猶恐百姓不足人所疾苦未暇瘞斯玉帛考乃
鐘鼓是以視嶽於諸侯錫神以茅土豈惟壯設險於甸
服報西成之農扈亦所以感一念之精靈答應時之風
雨者矣今茲冢宰庶尹醇儒碩士僉曰黃帝顓頊乘龍
遊乎四海發軔匝乎六合竹帛有云得非古之聖君而

泰華最為難上故封禪之事鬱沒罕聞以余在位發祥
隕祉者焉可勝紀而不得已遂建翠華之旗用塞雲臺
之議矧乎殊方奔走萬國皆至元元從助清廟獻歆也
臣甫舞手蹈足曰大哉爍乎真天子之表奉天為子者
矣不然何數千萬載獨繼軒轅氏之美彼七十二君又
疇能臻此蓋知明主聖罔不克正功罔不克成放百靈
歸華清

朝元閣賦

錢起

上將恢帝宇壯神臯斷景山之松用而有節感子來之
衆役不告勞成仙閣之弘敞配紫極之崇高先是徵規
模宏大壯經始聖迹責成梓匠當桂戶而八水悠遠植
玉堦而千巖相抗升陽烏於赤霄之表棲玉兔於翠微
之上可以吞貝闕壓崑閬盛矣哉亦神明之化也不可
得而稱狀觀乎儉以示德高即因山虹梁天近丹陛雲
還漢武求仙望蓬萊於海上吾君有道致方士於人間
厥構既崇其寧惟永正色深沉於木末浮光嶙亂於山

頂如翬斯飛獨出於頻農務暇霜氣澄天門闢龍輅升
俯人烟於萬井小雲樹於五陵天臨宇宙日照黎蒸是
時也靈仙響集品物交感因高載著於人風有象寧遺
於睿覽聖人垂化稽古上清彼會昌之構宇得朝元之
美名不奪穡地知庶心胥悅高標靈阜表聖壽長亨襟
懷動植指掌橐籥將九圍載廣與三光克明斯乃棟宇
之大也雖前史莫之與京夫如是古之濬城隍飭宮苑
孰比我君居高而致遠

華山賦

達奚珣

華山惟嶽羣嶽之雄天開厥狀神致其功昔與襄山連岡不絕河水長注橫流曲折神元再造拓崖而兩分仙掌常存倚天而迴列其後多歷年所至於夏王窮地絡正乾綱綠甲之功既就元圭之業有先定我祀典因為舊章同夫三事偉哉煌煌徒觀其倚伏而起削成而峻作秦塞之高標為豫州之巨鎮其南接楚其北臨晉嶽乎數都之間豈惟直上者五千餘仞遠疑將適近若將

騰氤氲綠潤靄靄青凝發地壁立連天石稜披重霄而
自致與元氣而相陵旁望羣山兮盡為幽側猶夫南面
兮用資峻極巍巍乎掩夏雲之奇峰蒼蒼然合秋天之
正色近壓關輔載樞京國此其所以為嶽者也若乃人
寰不遠勝氣常清石含古色泉落秋聲懸巖蔽虧謂乾
坤之闔闢洞壑幽邃泛雷雨之滿盈悅悅乎又似龍虎
潛伏鬼神含精伊彼崇林望之盡目參灝氣而森秀倂
斷山之搖矗仙草殊品靈花異族不以無人而不芳香

風麗乎幽谷皆負靈造是潤是黷其物靈繁故難詳鞠
蕭條世俗彷彿神仙玉女明祠星壇尚在羊公舊室石
榻常穿霧雨迷處雲臺巍然則知大象所存何有於古
列真攸萃寧獨於先國家南正司天北正司地人神不
擾方嶽定位森森象設之若生懔懔威稜而可畏宗伯
制禮巫咸視事殺氣每登騂剛必備蓋所謂敬而無黷
厲夫精意此則邦之禮物也受命如響依人而榮攸歆
盛德載答嘉生不憊旬時作為雲雨白漿既挹黃玉斯

觀隕止如山永康中土此則神之叶贊也物被山嶽非
無壯麗或隱峰於羣嶺或結根於荒裔空聞象外之談
何貴人間之世而我直兩都之大道當三條之正中偏
近日月高謝紛濛通天之氣成天之功鑒輅常幸聲明
有融能事無爽颺言莫窮舉天下而爭長故難可而比
崇

渭水象天河賦

劉珣

昔我先王肇修人紀乃建邦國以立都鄙或處沃而稱

輿或宅中而為美周兮景臺之測用會陰陽之擬漢據
鵷首之分實為山河之理故右扶風而左馮翊距涇川
而浮渭水潼函襟帶鄠鄠魏戡下則崇岡於地險上乃
取範於天河城雉周環而斗設宮觀駢牙而星羅轉曲
江於前崖俯冀闕於中波車馬諠流渾派聲之交錯風
塵日夕與津霧而相和蓋聖人垂則必天之象王者都
會大洽斯享運璇衡以齊玉燭法露盤以崇金掌四方
輻湊萬國攸仰風雲以之吸合日月於焉澄朗苟禎祥

而應會則乾元之攸往何必河出圖洛出書然後為卜
食之華壤者也懿哉作者元后中興後嗣同天之道順
人之意橫橋乃牽牛之設素澹則飲龍之謂晚光澹灩
接鳳苑之祥煙曉色清明連斗城之佳氣樓臺傍而津
涯隱伏鐘鼓作而波濤汨沸不覩斯焉以取斯寧復知
王者之貴不察所由於所以又安明坎德之靈而主乎
渭徒觀其遠界汧隴橫截秦川沃長安之霞日浮京兆
之雲天都邑傍於左右舟楫來而汧沿上林之煙開霧

卷建章之戶萬門千朝而望兮蓬瀛若留乎岸側夕而
臨也河漢宛在乎目前是以婁敬云被山帶河四塞為
固豈不謂天道無親惟德是輔祥符不及瑞圖斯遇以
登仁壽之理用表坤靈之喻請謂東周安處先生之徒
與須知西翰林主人作賦

華山賦

楊敬之

臣有意諷賦久不得發偶出東門三百里抵華嶽宿於
址下明日試望其形容則縮然懼紛然樂感然憂歎然

嬉快然欲追雲將浴乎天河浩然毀衣裳晞髮而悲歌
怯欲深藏果欲必行熱若宅爐塞若室冰曛然以和怫
然不平三復晦明以搖其精萬態既窮乃還其真形骸
以安百鈞去肩然後知身之治而見其難焉於是既留
無成辭以長嘆倏然一人下於崖金玉其聲霜雪其顏
傳則有之代無其隣姑射之神蒙莊云始不敢視然得
與言燦然笑曰用若之勇周大物用若之智窮無端三
四日得無顛倒反側於胸中乎是非操其心而自別者

耶雖然喜若之專而教若之聽無多傳維岳之初成二
儀氣凝其間小積焉為丘大積焉為山山之大者為嶽
嶽其數五予尸其一焉嶽之尊燭日月居乾坤諸山並
馳附麗其根渾渾河流從禹以來自北而奔姑射九峻
荆巫梁岷道之云遠兮徒遙而賓嶽之形物類不可階
其上無齊其傍無依舉之千仞不為崇抑之千仞不為
卑天雨初霽三峰相差虹霓出其中來飲河濱特立無
朋似乎賢人守位北面而為臣望之如雲就之如天仰

不見其巔肅何芊芊蟠五百里當諸侯田獄之作鬼神
反覆蛟龍不敢伏若歲大旱鞭之撲之走之馳之甘雨
瀾漫百川東逝千里而散噫氣蹶然怒乎幽岩漸於人
間其聲瀏瀏嶽之殊巧說不可窮見於中天淳淳而掌
峨峨而連起者似人伏者似獸坳者似池洼者似臼歆
者似弁呀者似口突者似距翼者似抱文乎文質乎質
動乎動息乎息鳴乎鳴默乎默上乎上下乎下千品萬
類似是而非似非而是其無繕人事余安得畢議今作

帝耳目相其聰明下矚九州在宥羣生初太易時其人
俞俞其主人者始乎容成卒乎神農中間數其君姓氏
可稱其徒以飲食為事未有仁義時哉時哉又何足泣
是後敬乎天成乎人者必闢其心假其神與之齡降其
仁故軒轅有盛德蚩尤為賊生物不遂帝乃用力大事
不可獨治降以后牧三人有心烈火就撲其子之子其
孫之孫咸明且仁雖德之衰物其所宜由夏以降湯武
仁以王桀紂暴以亡太甲成康不敢有加唯遵其常享

國遂長天事著矣莫見乎高而謂之茫茫余受帝命億
有萬歲而不敢怠遑臣贊之曰若此古矣祖矣大矣廣
矣富矣庶矣駭矣怖矣上古之事粗知之矣而神之言
又聞之矣然神起居于上宮室于下如此而久矣其所
見何如也曰見若咫尺田千畝矣見若環堵城千雉矣
見若杯水池百里矣見若蟻垤臺九層矣醯雞往來周
西東矣蟻蟻紛紜秦速亡矣蜂巢聯聯起阿房矣俄而
復然立建章矣小星奕奕焚咸陽矣累累繭栗祖龍藏

矣其下千載改更興壞悲愁辛苦循其上矣臣又問曰
古有封禪今讀書者云得其傳云失其傳語言紛綸於
神何如也曰若知之乎聞聖人撫天下哀天下既信於
天下則因山嶽而質於天不敢多物若秦皇漢武則率
海內以奉祭祀圖福其身故廟祠相望壇墠迤邐盛氣
臭夸金玉聚薪以燔積灰以封天下怠矣然猶歎歎不
足秦由是替漢由是弱明天子得賢者在位能者在職
廟堂之上垂衣裳而已其封禪存可也亡可也

仙掌賦

喻鍊

行盡煙蘿仙峯嶷嶷今高掌巍峩無得而踰扼金方之
險固不言而信指秦地之山河觀其巋巋削成崑崙遠
蹠幹開元氣剖破凝碧五千餘仞今似假扶持百二之
都兮如能指畫每勞瞻望徂秦適洛之人誰可攀援駕
鶴駝鸞之客勢比捫天形標一拳旁臨靄靄無際直上
巉巉克全稍為動搖帶晨光而耀若如同拊擊聞石鼓
以轟然可以引羣生摩八極孤標承露之狀想蓄拔山

之力霽雨飛盡見毛女同掌上之人嵐岫叢分封蓮峰
為握中之色勢孤聳於巖巖形不類於纖纖拆煙霧以
斯出控關防而可瞻夕耀而丹桂輪低疑將褫佩晝短
而六龍駕逸似欲攀髯拏攫難窮規模酷似莓苔剝綠
以盈握葛藟駢青而繞指因罅裂以文成偶嵌空而脉
起齊大道之悠久絜坤維之綱紀有客西遊時當凜秋
始憑軾以遐睎惟攀雲而寫憂吾聞太華中立黃河西
流有巨靈兮受天之命擘奇峰兮裂帛斯柔故得一帶

東引致洪濤而直注千尋西峙標異跡以長留况乃豫
鎮稱雄秦城是仰沈潛之在臂斯見示化之前蹤可賞
豈非大壯皇都制遐荒而示諸掌

通天臺賦

任公叔

武皇起雲陽之宮致崇臺於夾壇就山谷之交會得神
明之所在近瞰八極周臨四海將端冕而不二必垂衣
而有待是用迴載天路高標地游依稀元圃想像丹丘
嶺道邈以特立通天赫其無儔託神靈於秦甸結元氣

於雍丘白日旁轉青雲上浮八垓可接於咫尺步萬象無
逃於寸眸是獻歲春衆靈咸秩天子乃舉羣祠撰吉日
郊上元禮太乙風伯陪乘蚩尤扈蹕向甘泉以整隊屆
通天而挺出既而越氛霧之途近星辰之境背麟衍之
五時面長安之萬井岐陽太華雙標象魏之形秦嶺終
南遙樹軒墀之屏蹈煙霞而有慕潔齋戒而思青奉寶
位之虔恭佇神僊於光景當其宵衣待曙暘谷未開鈎
陳匝乎營衛天漢列以昭回燿火周起神光迴來暨三

山之遍登當仰侯於斯臺靄靄高躅神祇煜煜喜氣周
慶旋雲迴復召安期於滄海降王母於黃屋樹翠玉以
青葱草靈芝以芬馥上結綵幟高居耳目斯覽物以懷
柔非取樂於幽獨觀乎層構凌空形勢作雄風起而纖
埃不致雨過而瀑流潛通其載惟厚其覆惟洪所以大
啓於皇祚豈徒峻極於蒼穹是以擁帶休徵感通純嘏
會歌童之曲節彰從臣之風雅立極人望叶靈王者將
大漢之可追願侍祠於臺下


晨光麗仙掌賦

潘存實

晴天既曙峻嶽凝青仰熙熙之旭將吐見高高之掌呈
形假彼晶光庶有分於清濁挺茲秀異示無雙於杳冥
燠矣而昇峇然相射浮艷華之爛爛靡大虛之奕奕寫
乾坤之麗色先覺瞳矐廓煙霧之餘姿轉見明白疑參
若木似坼芙蓉杲杲之容漸積慘慘之狀不如下映而
千巖共曉上照而丹霞共舒影曜人間每當瞻瞻之早
跡居物外長承煦煦之初昭昭以臨我我莫匹向空凝

彩若月下之對金莖遙指流輝異樓上之呈素質既炫
晃之旁達亦孤標而獨出幸當清淨之晨免敵沉陰之
日佳氣或爍朝雲不還發明媚於紫霄之際擎彩翠於
碧落之間自彰和朗寧俟躋攀遙揮六龍迴臨萬有初
分焜耀訝彷彿以成文俯掬清光信爛漫而入手則知
事不自妍理資相鮮因流光德獲照金天想清風旁來
宛其穆若視晴景中駐何愧拳然故得無私功博潤色
道全當八極洞開之次明二儀交泰之先豈獨擘洪濛

而干造化設形象以配神仙而已哉於是靈蹤長聳日
華長捧不然何羣山邐迤而相奉



陝西通志卷八十八